

博平縣續志

地140.245

39

1/22



光緒二十六年庚子冬月鐫

博平縣續志



博平縣志

卷



序

吾鄉洪穉存先生撰述志乘辦香史漢體例甚嚴李申  
耆先生於輿圖之學尤詳畫厥井疆瞭若指掌學者多  
宗之余里閭同居竊媿譎陋不文未能窺見一二今第  
就諮訪所及約舉之以應邑人之請攷博平縣纂自前  
明迄我

朝康熙三年漢陽堵公嶷重修道光十一年應山楊公  
祖憲來宰是邑因志年久失攷抱遺訂墜以續前書迄  
今又六十餘年矣人事變遷代有更置况水旱兵燹忠

博平縣志

卷

一

節畸行之委諸草莽者何可勝道忝司民牧雖簿書期  
會之不暇而邑中文獻日就蕪沒伊誰之責哉惟攷弦  
更張經費多絀因存舊志而為續編分門別類據事直  
書聊以紀實而已其體例固非所論也書成捐俸以襄  
斯舉並綴數語於簡端

光緒二十三年春王正月陽湖李維誠



序

國史而外有省志府志省志操選恭嚴僅掇其要府志稍寬然於各屬亦僅綜誌大畧皆語焉而不能詳也若夫抱殘訂缺採錄靡遺發潛闡幽攷徵特備者其惟邑乘乎博陵舊志自道光辛卯重修閱數十餘載無續輯之舉凡天時推易土物變遷士民之翹奇文藝之述作將久而就湮其奚以紹前徽而詔來許前任李公恂伯以名吏宰斯邑修廢舉墜與民無忤邑紳懼文獻之散佚殷然以續為請李公遂總成其事三閱寒暑稿始脫

博平縣志

卷

二

蓋其慎也光緒己亥余莅任朞月詢俗攷風時邀鄉中紳耆藉諮疾苦邑紳持稿將付梓人索余校讎余反覆披閱見其體例悉遵舊志然魚豕之訛節節不免因細心訂正並令邑紳將續採可資興感者一併附入以免遺憾余固陋奚能文聊弁數言以紀實爾告

光緒二十五年清和上浣 知博平縣事王用霖序



序

志者史之餘也其體則與史略殊其法則與史無異故凡氣運之盛衰人事之得失風俗之純駁官吏之賢否以及忠義節孝之不可不彰者胥於志乎書或有視為不急之務者蓋未深悉乎志之有關治理非尋常紀載比也庚子之春二月既望余奉檄權博平令下車後與邑人士時相晤語偶及邑志得覩苒邑令李恂伯明府輯存之續志稿擬付梓而未果也舊志去今七十稷矣思為更張而重輯之力固有所未逮第就聞見所及仍

博平縣志

卷

三

存原志而為續編俾異日之重修邑志者取以采擇誠事之不可緩者也無何海氛不靖東郡密邇畿輔莠民囂然竊發自夏徂秋方且治團練治保甲詰奸除莠之不暇何有乎志乘然而心焉識之未嘗一日忘也所幸歲尚中稔禾黍登場邑中弦誦有聲民氣較他境為靜穆同城紳耆以年來採訪續稿未定見商因於簿書餘閒不揣固陋本恂伯明府之意視舊志之條目而略為變通既付鈔胥重加校勘庶將拭目以觀是編之成也是固承乏斯土者之所願也



光緒二十六年歲次庚子秋九月北平彭寶銘

序

邑志奚為而作乎蓋昉於周禮職方氏而取法乎班史之地理志劉昭補范史之郡國志其源遠也然班志紀天文民俗戶口補志特詳沿革而他未之及焉若夫後世邑志之作大而山川疆域廟社賦稅學校武備以及名宦鄉賢藝文方技迄於貞婦烈女民風物產靡不攬摭蓋已兼史家志傳之長俾一邑之中無美不備者也博平為漢故邑屬東郡戰國時為齊之西界史記所稱博平縣志

卷

四

渡清河指博關是也唐為博州與魏州總稱天雄軍明及

國朝仍改為縣屬東昌不獨邑名復舊邑屬亦復舊矣邑曩有志修於道光辛卯之歲迄今幾七十年其人物事蹟凡急待於闡揚而恐漸致夫湮沒者有不賴軫念斯文之大君子哉光緒癸巳春李恂伯明府以名進士來宰是邑夫其德浹故其政和其刑清故其訟簡士民樂業此窳革心東郡屬邑治平稱第一焉每公退之暇與余談及舊志以未續修為憾余遂謀諸紳士懇憑焉以



成公志眾無不歡忭從事者公亦喜其志之可成慨捐俸金以為之倡於是糾合同人徧為採訪舊志舛者改之新者益之歲終稿成而公已調繁恩邑矣去博猶恐功廢半途屢函致眾紳催其付梓并屬余為之序余與公同官茲土其一切善政皆目所親見而心儀之不能忘即此編告成俾博之學者觀之七十年之文獻朗若列眉並上溯七十年前以及無窮摠懷舊之蓄念發思古之幽情士習民風蒸蒸日上進於善庶不負公之厚望也夫是為序

博平縣志

卷

五

光緒二十五年春正月博平縣教諭高中誠



序

志之為言誌也所以誌實也上而

國史下而邑乘其分殊其事一蓋志必善善從長惡惡從短不可過刻不可徇情一方公論所在不得以一己之親疏為取舍公是公非著於簡冊能使當時不生訾議後世能辨真偽斯為天理之平斯為人情之正春秋大法有自來矣何可苟焉而已哉有如博邑舊志自道光十一年重修迄今已歷有年設不及時續修其間人事變更凡有關稽考者將無可徵即有待表彰者亦多

博平縣志

卷

六

湮沒宜 有心人汲焉念之也吾友秋亭許子以歲進士就教職邑有興作多賴贊襄比年修城寨修學宮修書院義社百廢具舉燦然備矣茲更與同人廣為採訪有續修邑志之舉又幸邑侯李公恂伯釐正於前王公靖宣參訂於後抱遺訂墜溯昔證今累數歲勤劬而不憚煩是功也微斯人其誰與歸聞將付梓矣不揣謏陋聊綴數言

光緒二十六年六月上浣濱州訓導邑人王玉璇序



序

自吾夫子修春秋寓褒貶為萬世法史乘之宗也厥後  
祖其義者凡各行省以及郡邑皆有志書昭示來許尚  
矣吾博邑舊志自邑令楊公重修迄今垂七十年其間  
典章政令人物藝文之可紀者正復不少所慮日積月  
累久則文獻無徵殊覺可惜因與同里諸君子議將續  
修邑志會邑中築城建寨修學宮書院義學及諸祠廟  
眾力猶未逮也迨陽湖李恂伯太守宰斯邑數載以來  
百廢具舉欣然願修續志既已采輯成編而賢令尹王

博平縣志

卷

七

公靖宣彭公輔廷先後蒞博踵而行之修飾潤色以期  
盡善邑人士僉謂當付剞劂以傳悠久而備稽考時哉  
弗可失也鄙人贊襄其間亦何幸而覩斯編之竟成哉

光緒二十六年歲次庚子秋九月候選訓導邑人許蘭芳  
謹序



序

山東郡縣志之闕焉不講者多矣 張勤果公撫東疏請重修通志趙菁衫觀察領局事因以舉要十二條通行郡縣俾各條舉以資編輯其茫然罔應及虛行故事者無論矣或能悉心蒐采又苦語焉不詳惟博平獨能應有盡有條分縷析且卷帙整潔尤為諸屬冠時余從事志局竊心焉數之則吾友李君恂伯方宰博平且議續修邑志也既而恂伯量移續志草創而迄未就今年春同里彭輔廷司馬權是邑下車伊始邑人士即以續

博平縣志

卷

九八

志為言輔廷深躋之旋以海氛不靖而止遲久迺以志稿郵寄見商余既不獲以固陋辭管見所及略事增損而舊志有體例未安者未敢遷就而變通之訂其條目釐為十卷聊為他日重修之助而已夫博平雖蕞爾邑地近畿疆時當多事而邑中之令長紳耆猶殷然於續志未成亟謀剗剗求諸齊魯之間誠不易得處變如此處常可知宜境內之無廢不興有事則咄嗟立辦是可徵其政之美與其俗之良足為輶軒采風者告

也豈不懿哉

光緒二十六年歲在上章米穀陽月朔吉北平錢枱



凡例

一山東通志濟南府志皆直列條目不復冠以綱領  
施愚山青州志例也今依其例不以舊志天地人  
物為綱惟邑乘掌故較少其篇頁稍簡者仍各以  
類從

一方志最重輿圖而水道尤非圖不可今於舊圖外  
增水道三圖良以農田水利事屬相因庶可考證  
修治不致茫無依據其餘諸圖均詳舊志  
一學校當自為志不可雜入他編所有從祀

博平縣志

卷

十

文廟先賢先儒悉遵部文位次開列惟既詳位次故又  
載爵里係

國朝從祀者併詳年分

一職官詳里貫出身選舉詳科分年分不於名下載  
褒譽語其輿論素孚鄉評允洽者俱另詳

一舊志人物傳但載文猷武略而孝義節孝別為一  
編稍乖志例茲將孝友忠義及善行文學老壽貞  
烈節孝均載人物志

一列女所載均經 旌表其有未旌而年例已符者



悉著於冊以遂闡揚而備諮訪惟姓氏事實多陸續送到不以先後無次為嫌

一藝文不以浮華為尚凡有關表揚及修建興作者擇其尤雅一併采錄其餘投贈題詠概從割愛

一是編采訪曾與諸君子約毋涉瞻徇毋存刻覈但期紀實信今即所以傳後也其無關勸戒或傳聞溢辭者概未列入覽者諒之



博平縣續志

纂修姓氏

原纂

在任候補知府調補恩縣博平縣知縣李維誠順天大興人進士原籍江蘇

續纂

博平

縣

知

縣王用霖

山西榆次人舉人

花翎四品銜知府用候補同知署博平縣事彭寶銘

順天大興人監生原籍廣東

協修

博平

縣

教

諭高中誠

臨清邱縣人拔貢

博平縣志

卷

十二

博平

縣

訓

導宋其端

青州樂安人舉人

博平

縣

典

史宛慶

順天通州人

博平

汛

把

總李延椿

歷城人武生

董事

候選訓導秋亭許蘭芳

總理

甲午舉人澤生任德普

補修

文生子韶成盡美

廩生錫三劉應恩

廩生越門王雲龍



貢生樹之張毓榛 校閱

宣講生蓮舫李世廉

巡檢敬如傅孝先

訓導衡菴王玉璇

貢生亦泉赫文津

文生熙臣李春芳

訓導皞卿胡慶温

學正鑑明李鏡藻

貢生桐軒李文鳳

文生肅堂王恭齋 採訪

增生監周張曰庠

貢生稟乾趙 健

廩生韶卿初景虞

廩生鎔堂李金如

貢生繪軒潘晝棟

甲子舉人子幹張建楨

戊子舉人幹甫曹連枝

丁酉拔貢琴舫桑鶴軫



廩生遼程于鴻漸

文生 朱葆義

廩生序亭王蘭春

貢生凌閣孟繼勛

廩生西菴李辛昌

貢生心僑桑澤森

文生文佩房 琚

貢生楷階楊秉紱

廩生 耿麟慶

博平縣志

卷

十四

增生心如張寶鏡

文生治堂劉中義

前任惠民縣知縣錢 枱 編次

何 坵 董梓



博平縣續志目錄

第一卷

天文志

第二卷

輿地志

第三卷

學校志

第四卷

祀典志

博平縣志

卷一目錄

十五

第五卷

田賦志

第六卷

職官志

第七卷

選舉志

第八卷

武備志

第九卷



藝文志

第十卷

人物志

博平縣志

卷一目錄

十六



博平縣續志卷一

天文志

舊志言星野詳矣或謂今之廣輪逾古數倍證以星次豈能域於一隅然躔度占候固信而可徵也至舊志機祥以庶徵而雜兵事今附機祥於躔度占候之次而兵事改入武備所謂各以類從也

躔度

博平縣北極出地高三十六度四十三分緯度在京師卯酉綫南三度一十二分計偏南鳥里六百四十

博平縣志

卷一

躔度 十七

里經度在京師子午中綫偏西十一分計偏西鳥里二十九里在山東省治卯酉綫南二分計偏南鳥里六里在山東省治子午綫西五十二分計偏西鳥里一百三十八里在東昌府治卯酉綫北一十分計偏北鳥里三十三里在東昌府治子午綫東八分計偏東鳥里二十一里斜距東昌府治鳥里三十九里

赤道黃道距地平

赤道去天頂南三十六度四十三分距地平高弧五十三度一十七分



黃道南至限去天頂南六十度一十二分距地平高  
弧二十九度四十八分

黃道北至限去天頂南一十三度一十四分距地平  
高弧七十六度四十六分

天頂北距赤極五十三度一十七分南距赤道三十  
六度四十三分較 京師天頂南去三度十二分較  
省城天頂南去二分較府城天頂北去十分

占候

二十四節氣正午太陽距地平高弧

博平縣志

卷一

占候

十八

冬至二十九度四十八分

小寒大雪三十度三十九分

大寒小雪三十三度六分

立春立冬三十六度五十五分

雨水霜降四十一度四十八分

春分秋分五十三度十七分

清明白露五十九度十二分

穀雨處暑六十四度四十六分

立夏立秋六十九度三十九分



小滿大暑七十三度二十八分

芒種小暑七十五度五十五分

夏至七十六度四十六分

二十四節氣太陽出入時刻

冬至 出辰初一刻一分 入申正二刻十

四分 晝三十七刻十三分 夜五

十八刻二分

小寒大雪 出辰初初刻十三分 入申正三刻

二分 晝三十八刻四分 夜五十

博平縣志 卷一 占候 十九

七刻十一分

大寒小雪 出辰初初刻三分 入申正三刻十

二分 晝三十九刻九分 夜五十

六刻六分

立春立冬 出卯正三刻六分 入酉初初刻九

分 晝四十一刻三分 夜五十四

刻十二分

雨水霜降 出卯正二刻五分 入酉初一刻十

分 晝四十三刻五分 夜五十二



刻十分

驚蟄寒露

出卯正 刻三分 入酉初二刻十

二分 晝四十五刻九分 夜五十

刻六分

春分秋分

出卯正初刻 入酉正初刻 晝四

十八刻 夜四十八刻

清明白露

出卯初二刻十二分 入酉正一刻

三分 晝五十刻六分 夜四十五

刻九分

博平縣志

卷一

占候

二十

穀雨處暑

出卯初一刻十分 入酉正三刻五

分 晝五十二刻十分 夜四十三

刻五分

立夏立秋

出卯初二刻九分 入酉正三刻六

分 晝五十四刻十二分 夜四十一

刻三分

小滿大暑

出寅正三刻九分 入戌初初刻六

分 晝五十六刻十二分 夜三十九

刻三分



芒種小暑 出寅正三刻二分 入戌初初刻十  
三分 晝五十七刻十一分 夜三  
十八刻四分

夏至

出寅正二刻十四分 入戌初一刻  
一分 晝五十八刻二分 夜三十  
七刻十三分

正午較 京師進一分 縣治午正初刻 京師  
午正初刻一分

較省城遲三分三十秒 縣治午正初刻 省城

博平縣志

卷一

正午 二十一

午正初刻三分三十秒

較府治早半分 縣治午正初刻 府治午初三  
刻十四分三十秒

每節氣俱較 京師進一分較省城遲三分三十  
秒較府治早半分



機祥封

咸豐元年六月彗星見西北 二年秋禾被水 六年五月彗星見虛危間光芒甚長 七年秋大有年 十一年彗星見西北

同治元年五星聯珠 四年早秋禾莠 八年春大旱歲飢 十三年旱蟲莠六月彗星見

光緒元年早有蝗 二年旱 三年旱 四年歲大飢春斗粟千錢夏無麥人乏食至秋大熟人多疾疫 八年早秋禾莠 十年秋大水 十三年六

博平縣志


卷一

機祥

二十三

月聊城減水開東北溢七月吳家口決博平西南鄉水深四五尺陸地行舟 十四年夏麥大獲七月七里河由李家口漫溢 十五年五月地震歲飢 十七年蝗 十八年秋禾大熟有蜚不為莠 二十一年七里河由鄧家橋決漫溢城下 二十二年夏旱冬大雪 二十六年春夏大旱六月望始雨太白晝見旬餘而隱







輿地志

博境平行寬廣有河無山則河道應入輿地志而不必別紀山川若津梁城郭方志皆列建置而古蹟則另為一門今皆併入輿地以便稽考云

運河南自聊城界呂家圈起北至清平界田家坑止計程三十五里東岸博平境西岸堂邑境河身與堂邑縣分管十七里半南自呂家圈起北至白隄止堂邑管轄自白隄起至田家坑止博平管轄內有堂邑土

博平縣志

卷二

河

二十三

橋閘一座

土河相沿謂之曰徒駭河實漯水及鳴犢河所經也河自聊城縣運河東岸之三孔橋由西南交界之李家口入境環城東趨北至高唐州之南鎮出境凡遇運河盛漲上游開三孔橋以資宣洩東西兩隄年久傾圯近年借黃濟運時虞沆溢光緒十一年知縣金熙柳勸民修築以資保鄣兩岸隄長二萬餘丈二十二

年知縣李維誠因貢生許蘭芳等所請一律重修

馬頰河亦漯水所經也漯出自東武陽即今朝城縣府



志河自邑西北邢家關入境東北流過倫家橋周家橋又北過清平境東入高唐境光緒二十二年知縣李維誠率居民修築隄岸以防水患

德王河在上平莊孫家莊分洩坡水南北皆與清平縣境接壤年久淤塞秋夏輒汎溢為患光緒二十一年知縣李維誠履勘疏濬窪區始得有秋

小湄河自邑西南十五里循城東北入徒駭河城南窪區藉洩水潦前縣胡學醅嘗浚之歲久漸多淤墊光緒二十二年知縣李維誠擇要疏濬並於藥河口添

博平縣志

卷二

河

二十四

設涵洞以時蓄洩

袁家營減水支河知縣胡學醅所浚也東北入高唐境以導窪地積水光緒二十三年知縣李維誠集民重修

減水閘在邑西南李家口官莊辛莊袁車莊金家窪因地勢卑下修此閘以備水澇光緒十四年為河水所壞十八年鄉民重修

孫家橋 在城西南十五里

桑家橋 在城西十三里



張家橋 在城西北十五里

李家橋 在城西北十二里

梁家橋 在城西北九里

王家橋 在城北十二里

許家橋 在城北十二里

張家橋 在城北十五里

甄家橋 在城東北十八里

陶家橋 在城東北二十里

鄧家橋 在城西北十五里

博平縣志

卷二

橋

二十五

周家橋 在城西北三十里

商家橋 在城北四十五里

倫家橋 在城西北四十五里

以上各橋前志均畧茲併列入

縣城周圍丈尺前志已詳今四門橫額東曰瞻岱西曰

奠黃南曰炳離北曰拱極形家言城為卧牛城於奠

黃二字不宜且黃河移徙已久無黃可奠光緒二十

二年知縣李維誠於西城門上榜曰挹華太華峯高

西挹其秀兆斯邑人文之蔚起云



# 博平縣水

# 道各圖


博平縣志

卷二

水道

二十六

漂水入海圖









東

河

境縣邑

全

博平縣志

卷二

水道

二十八

清平縣交界  
田家坑

河類馬為呼俗經所水潔

開減水

土橋開  
墩台

土橋

開道四

橋空三



河道圖續前志

管子云大者為隄小者為防夾水有道木稼不傷  
是因地制宜水不為患使民有所耘艾也博境沙  
壤窪區高下相錯夏秋水盛不免汗漫之虞然境  
內舊有河渠加之濬築即可流行無滯周禮所謂  
因其地域而溝封之於治遂之法頗相脗合今擇  
境內河道次第治之水利農田相為表裏是亦因  
勢利導之一端也繪河道圖如左


博平縣志

卷二

河道


二十九

西





南



東

北

博平縣志

卷二

河道

三十












博平縣志

卷二

村落

三十三





城宇圖

崇墉浚隍以守土也高堂遠廉以明尊也邾莒僻  
陋史傳譏之顧可忽乎哉特是物換星移代有廢  
置為有司者簿書期會卒卒馬日不暇給語以修  
城郭治垣牆輒為非當務所急愬然置之歲月侵  
尋舊基遂不可問矣如前志所載察院分司河衙  
等今已無存即典史營汎所居亦儻自民間聊以  
栖止何今昔之不同也繪縣城圖如左

博平縣志

卷二

城宇

三十四





博平縣志

卷二

城宇

三十五

邑厲壇

玄帝廟

阜縣臺

督捕廳

樓五

城守署

書院

關帝廟

釋迦寺

觀音堂

南蓮池

南門

觀音堂

社稷壇

關王廟

泰山行宮


西門

山川壇



縣署圖

嘗攷類篇尊者所在曰衙魯語署位之表也古時  
懸書讀法必有其所於此施教令肅觀瞻顧可傳  
舍視之歟第星霜屢易風雨所摧往往憚於脩葺  
如前志所載申明旌善各亭春暉樓等已無可考  
証即隨時興築亦難驟復舊觀然署之規制尚宏  
表正有位吾輩忝司人牧戴星出入與民相親宜  
以深居高拱為戒也繪縣署圖如左






博平縣志

卷二

縣署

三十七





古蹟

文鄉城 據水經注漯水篇當在縣西禹貢錐指稱在清平南不合

蠻城 亦當在縣西 自漢清陽縣城南至蠻城約七

八十里府志以蠻城為清陽縣城誤以上二條均見續山東考古錄

孔子回轅處碑 在城北

宋孫宣公故里碑 在城西南孫家橋

衡山草堂碑 光緒十九年三月得之廨前破壁中今置學宮

博平縣志

卷二

古蹟 三十八

侯義姑碑 在城西侯家樓



博平縣續志卷三

學校志

學校所以培植人材厥典甚鉅舊志儒學列於城宇  
茲特別為一卷謹將創修年月及祀位次序詳晰登  
載書院義學附焉

學宮自乾隆十四年知縣周於智以彤家言改

大成殿為東向東西兩廡改為南北廡嘉慶道光年間  
曾經修葺惟歷時既久殿宇滲漏朽蠹兩廡及忠孝  
節義祠均傾圮無存光緒二十二年知縣李維誠會

博平縣志

卷三

學校

三十九

同學官暨邑人士集款重修仍按舊基營造惟改大  
門為南向並於

大成門內北建講書樓三楹城東南隅重建奎星樓



學額附

歲科試各取進文童十二名

歲試取進武童十二名

額設增廣生員二十名廩膳生員二十名

歲貢 每逢子寅辰午申戌等年以廩生挨次出貢  
遇有

恩詔則以正貢作恩貢次貢作正貢

選貢 明宏治中命提學不分廩增附務以學行兼  
優者拔取三五年一舉萬厯中停止崇正間又行

博平縣志

卷三

學額 四十

之至

國朝或十年或二十年及六年一次自乾隆七年定制  
十二年一舉



從祀位次

大成殿內正位南向

至聖先師孔子

東配

復聖顏子

述聖子思子

西配

宗聖曾子

亞聖孟子

博平縣志

卷三

東西配

四十一

東哲

先賢閔子損

先賢冉子雍

先賢端木子賜

先賢仲子由

先賢卜子商

先賢有子若

乾隆三年  
升祀十哲

西哲

先賢冉子耕



先賢宰子予

先賢冉子求

先賢言子偃

先賢顓孫子師

宋時升  
十哲

先賢朱子熹

宋淳祐元年從祀康熙五  
十一年升祔十哲

博平縣志

卷三

東西哲

四十二



文廟北廡在大成殿左即東廡

先賢

公孫僑字子產鄭人國朝咸豐七年從祀原西廡

林放魯人唐開元二十七年從祀明嘉靖九年改祀於

原憲字子思鄭康成曰魯人檀弓云仲憲宋人

南宮适字子容一諱縉适史記作括孔安國曰魯人

商瞿成都周云禮殿聖賢圖上字子本魯人

漆雕開字子開家語云字子若鄭康成曰魯人一日蔡人

博平縣志 卷三 先賢 四十三

司馬耕字子牛家語云犁耕一字伯牛孔安國曰宋人

梁鱣一云鯉字叔魚齊人一云魯人

冉孺字子魯家語云字子魚魯人

伯虔字子析家語云字楷魯人

冉季字子產鄭康成曰魯人

漆雕徒父家語漆雕從字子文魯人

漆雕哆字子斂家語云漆雕侈鄭康成曰魯人

公西赤字子華鄭康成曰魯人

任不齊字選家語云子選鄭康成曰魯人



公良孺 字子正 鄭康成曰陳人

公肩定 家語云公肩字子中 晉人一云魯人

鄒單 禮殿圖及徐廣胥云鄒單字子家 齊人 徐廣云太原有鄒縣家語不載

罕父黑 字子索 家語云罕夫黑字索 魯人 禮殿圖不載

榮旂 家語云榮祈人物志云榮期字子祺 魯人

左人郢 字行 家語云左郢字子行 鄭康成曰魯人

鄭國 字子徒 家語云薛邦字子從 史記作國者以避高祖名 薛訛為鄭也

原亢 家語云原杭字籍 史記原亢藉闕里志名挑 字子抗 魯人

廉潔 史記云字庸 家語云子庸一字子曹 鄭康成曰衛人 禮殿圖有廉瑀附錄

博平縣志

卷三

先賢 四十四

叔仲會 字子期 鄭康成曰晉人

公西輿 如家語云公西輿字子上一字子文 魯人

邾巽 字子斂 家語云邾選字子欽 鄭康成曰魯人

陳亢 字子亢 一字子禽 陳人 史記不載

琴張 家語云琴牢字子開 一字子張 衛人 史記不載

冉叔乘 字子車 鄭康成曰齊人

秦非 字子之 鄭康成曰魯人 禮殿不載

顏噲 字子聲 鄭康成曰魯人 以上俱唐開元二十七年從祀

顏何 字子冉 鄭康成曰魯人 禮殿圖不載 唐開元二十七年從祀 明嘉靖九年罷 國朝雍正三年復祀



縣 亶字象史記不載

牧 皮原西廡今移東廡

樂正克

萬 章以上俱 國朝雍正二年從祀

周敦頤 字茂叔宋天禧元年生熙甯六年卒年五十七淳祐元年從祀

程 顥 字伯淳宋明道元年生元豐八年卒年五十四淳祐元年從祀

邵 雍 字堯夫宋大中祥符四年生熙甯十年卒年六十七歲咸淳三年從祀

南廡 在大成殿右即西廡

先賢

博平縣志 卷三 先賢 四十五

蘧 瑗 字伯玉衛人唐開元二十七年從祀明嘉靖九年改祀於鄉國朝雍正二年復祀原東廡今移西廡

澹臺滅明 字子羽魯人原東廡今移西廡

宓不齊 字子賤魯人

公冶長 字子長家語云萇字子芝齊人

公皙哀 字季次家語云公西哀字季沈禮殿圖云公皙哀齊人

高 柴 字子羔鄭康成曰衛人一云齊人

樊 須 字子遲鄭康成曰齊人一云魯人

商 澤 字子秀一字子季魯人

巫馬施 字子旗家語云巫馬期字子期鄭康成曰魯人一云陳人



顏 辛 字子柳一云顏幸鄭康成曰魯人

曹 邨 字子循蔡人

公孫龍 字子石家語云公孫龍衛人鄭康成曰楚人孟子注云趙人

秦 商 左傳云秦丕茲字子丕家語云不慈鄭康成曰楚人一曰秦人

顏 高 家語顏刻字子驕

壤駟赤 禮殿圖云壤西赤字子徒一字子從鄭康成曰魯人禮殿圖不載

石作蜀 家語云石子蜀字子明秦人

公夏首 家語云公夏守字乘一字桀鄭康成曰魯人禮殿圖不載

石 處 字子里家語云石處字里之鄭康成曰齊人

博平縣志 卷三 先賢 四十六

奚容蒧 字子哲家語云奚蒧字子偕魯人

顏 祖 舊志家語云顏柏字子襄魯人府志亦作顏相茲謹遵同治二年奉頒 文廟祀位圖作顏祖

句井彊 字子疆一字子界闕里志字野山東志字子孟鄭康成曰衛人

秦 祖 字子南鄭康成曰秦人

縣 成 字子祺家語云字子橫鄭康成曰魯人禮殿圖不載

公祖句茲 家語云公祖茲禮殿圖云公祖句茲字子之魯人

燕 伋 字思家語云燕級字子思秦人

樂 欬 家語云樂欣字子聲魯人一云秦人

狄 黑 字哲家語云字哲之一字子哲衛人



孔忠 家語云孔弗字子蔑孔子兄孟皮子

公西葳 家語云公西葳字子上一作子尚魯人

顏之僕 字叔家語云字子叔鄭康成曰魯人禮殿圖不載

施之常 字子恒家語云子常魯人

申棖 家語云申續史記云申黨禮殿圖云申儻字周一云子周魯人

左邱明 魯人唐貞觀二十一年以經師從祀

秦冉 字開家語不載唐開元二十七年從祀明嘉靖九年罷

公明儀 國朝咸豐三年從祀原東廡今移西廡

公都子 國朝雍正二年從祀

博平縣志

卷三

先賢

四十七

公孫丑 國朝雍正二年從祀

張載 字子厚宋天禧四年生熙寧十年卒年五十八歲淳祐元年從祀

程頤 字正叔宋明道二年生大觀元年卒年七十五淳祐元年從祀

以上先賢位次宋以前從祀者皆稱封爵明

嘉靖九年改稱先賢某子周張程邵五子嘉

靖時稱先儒崇禎十五年改先賢位在七十

子之下漢唐諸儒之上

國朝俱稱先賢不稱子

北廡



先儒

公羊高 子夏弟子唐貞觀二十七年從祀

伏勝 字子賤秦博士唐貞觀二十一年從祀

毛亨 秦漢間人 國朝同治二年從祀

孔安國 字子國漢武帝時為博士侍中唐貞觀二十一年從祀原西廡今移東廡

后蒼 字近君漢宣帝時為博士明嘉靖九年從祀

許慎 字叔重漢人 國朝光緒二年從祀

鄭康成 漢永建安五年卒七十四唐貞觀二十一年從祀明嘉靖九年改於鄉 國朝雍正二年復祀原西廡今移東廡

范甯 晉咸康五年生隆安五年卒六十三唐貞觀二十一年從祀明嘉靖九年改於鄉 國朝雍正二年復祀原西廡今移東廡

博平縣志

卷三

先

四十八

陸贄 字敬輿唐天寶十三年生永貞元年卒年五十二 國朝道光六年從祀

范仲淹 字希文宋端拱二年生皇祐四年卒年六十四 國朝康熙五十四年從祀

歐陽修 字永叔宋景德四年生熙寧五年卒年六十六 明嘉靖九年從祀

司馬光 字君實宋天禧三年生元祐元年卒年六十八咸淳三年從祀

謝良佐 字顯道宋元豐八年進士與楊時同稱程門四先生 國朝道光二十九年從祀

呂大臨 字與叔宋元祐中為秘書正字 國朝光緒二十一年從祀

羅從彥 字仲素宋熙寧五年生紹興五年卒年六十四明萬曆四十二年從祀

李綱 宋元豐六年生紹興十年卒年五十八 國朝咸豐元年從祀原西廡今移東廡

張栻 字敬夫宋紹興三年生淳熙七年卒年四十八景定二年從祀原西廡今移東廡



陸九淵 字子靜 宋紹興九年生 紹熙三年卒 年五十四 明嘉靖九年從祀 原西廡 今移東廡

陳淳 字安卿 宋紹興二十三年生 嘉定十年卒 年六十五 國朝雍正二年從祀

真德秀 字景元 淳熙五年生 端平二年卒 年五十八 明正統二年從祀 原西廡 今移東廡

何基 字子恭 宋淳熙十五年生 咸淳四年卒 年八十一 國朝雍正二年從祀 原西廡 今移東廡

文天祥 字宋瑞 宋端平三年生 元至元十九年卒 年四十七 國朝道光二十三年從祀 原西廡 今移東廡

趙復 字仁甫 生卒年無考 以宋端平二年 至北庭當列 國朝雍正二年從祀

金履祥 字吉文 宋紹定五年生 元大德七年卒 年七十二 國朝雍正二年從祀 原西廡 今移東廡

陳澔 字雲柱 宋景定二年生 元至正九年卒 年八十一 國朝雍正二年從祀 原西廡 今移東廡

方孝孺 字希直 一字希古 元至正十七年生 明建文四年卒 年四十六 國朝同治二年從祀

博平縣志 卷三 先儒 四十九

薛瑄 字德溫 明洪武二十二年生 天順八年卒 年七十六 隆慶五年從祀 原西廡 今移東廡

胡居仁 字叔心 明宣德九年生 成化二十年卒 年五十一 萬曆十二年從祀

羅欽順 字允升 明成化元年生 嘉靖二十六年卒 年八十三 國朝雍正二年從祀

呂柟 字子木 明成化元年生 嘉靖二十六年卒 年八十三 國朝雍正二年從祀

劉宗周 字起東 明萬曆六年生 國朝順治二年卒 年六十八 道光二年從祀 原西廡 今移東廡

孫奇逢 明萬曆十二年生 國朝康熙十四年卒 年九十二 道光八年從祀 原西廡 今移東廡

張殿祥 字稼書 明崇正三年生 國朝康熙三十一年卒 年六十三 雍正二年從祀 原西廡 今移東廡

張伯行 國朝光緒五年從祀



南廡

先儒

穀梁赤

子夏弟子唐貞觀二十一年從祀

高堂生

秦末漢初人唐貞觀二十一年從祀

董仲舒

漢武帝初年對策為江都相元至順元年從祀原東廡今移西廡

劉德

漢儒河間獻王 國朝光緒三年從祀

毛萇

字長公漢武帝時為河間獻王博士唐貞觀二十一年從祀

杜子春

漢永平初年年九十唐貞觀二十一年從祀原東廡今移西廡

諸葛亮

字孔明漢光和四年生建興十二年卒年五十四 國朝雍正二年從祀原東廡今移西廡

博平縣志

卷三

先儒

五十

王通

字仲淹陳至德二年生隋義甯二年卒年三十五 明嘉靖九年從祀原東廡今移西廡

韓愈

字退之唐大曆三年生長慶三年卒年五十七宋元豐七年從祀

胡瑗

字翼之宋淳化四年生嘉祐四年卒年六十七明嘉靖九年從祀

韓琦

字稚圭宋大中祥符元年生熙甯八年卒年六十八 國朝咸豐二年從祀原東廡今移西廡

楊時

字中立宋皇祐五年生紹興五年卒年八十三明宏治八年從祀原東廡今移西廡

游酢

字定夫宋太常博士 國朝光緒十八年從祀

尹焞

字彥明宋熙甯四年生紹興十二年卒年七十二 國朝雍正二年從祀

胡安國

字康侯宋熙甯七年生紹興八年卒年六十五 明正統二年從祀

李侗

字愿中宋元祐八年生隆興元年卒年七十一 明萬曆四十二年從祀原東廡今移西廡



呂祖謙 字伯恭 宋紹興七年生 淳熙八年卒 年四十五 景定二年從祀 原東廡 今移西廡

袁燮 國朝同治八年從祀

黃幹 字直鄉 宋紹興二十二年生 嘉定十四年卒 年七十 國朝雍正二年從祀

輔廣 國朝光緒六年從祀

蔡沈 字仲默 宋乾道三年生 紹定三年卒 年六十四 明正統二年從祀 原東廡 今移西廡

魏了翁 字華父 宋淳熙五年生 嘉熙元年卒 年六十 國朝雍正二年從祀 原東廡 今移西廡

王柏 字會之 宋慶元三年生 咸淳十年卒 年七十一 朝雍正二年從祀 原東廡 今移西廡

陸秀夫 字端平 三年生 祥興二年即元至元十六年卒 年四十四 國朝咸豐九年從祀

許衡 字仲平 宋嘉定二年生 元至元十八年卒 年七十三 皇慶二年從祀

博平縣志

卷三

先儒

五十一

吳澄 宋淳祐九年生 元統元年卒 年八十五 明正統八年從祀 嘉靖九年罷 國朝乾隆二年復祀 原東廡 今移西廡

許謙 字益之 元至元七年生 後至元三年卒 年六十八 國朝雍正二年從祀 原東廡 今移西廡

曹端 字正夫 明洪武九年生 宣德九年卒 年五十九 國朝咸豐十年從祀

陳獻章 字公甫 明宣德三年生 宏治十三年卒 年七十三 萬曆十二年從祀

蔡清 字介夫 明景泰四年生 正德三年卒 年五十六 國朝雍正二年從祀

王守仁 字伯安 明成化八年生 嘉靖七年卒 年五十七 萬曆十三年從祀 原東廡 今移西廡

呂坤 字叔簡 明嘉靖十五年生 萬曆四十六年卒 年八十三 國朝道光六年從祀

黃道周 字幼平 萬曆十三年生 國朝順治三年卒 年六十二 道光五年從祀 原東廡 今移西廡

陸世儀 國朝光緒二年從祀



湯

斌

明天啓七年生

國朝康熙二十六年卒年六十一道光三年從祀原東廡今移西廡

以上先儒位次明嘉靖以前從祀者皆稱封爵嘉靖九年改稱先儒某子

國朝稱先儒不稱子

崇聖祠

謹按

先師父自元至順間始加封爵未有專祠明嘉靖九年詔京國子監并天下學校各建啟聖公祠中祀

博平縣志

卷三

崇聖

五十二

先師父叔梁紇題稱啟聖公孔氏之位以顏無繇

曾點孔鯉孟孫氏配俱稱先賢某氏之位程

珣朱松蔡元定從祀俱稱先儒某氏之位每

歲春秋上丁日致祭萬曆二十年以周輔成從祀

國朝雍正元年更名崇聖祠加封孔子五代並祀

蒸嘗父木金公封為肇聖王高祖祈父公封

為裕聖王曾祖防叔公封為治聖王祖伯夏

公封為昌聖王於祠內安設神牌按昭穆位

次每春秋致祭酒醴品物各照啟聖公例陳



設三年增張廸從祀咸豐七年以孔氏孟皮配與

先師同日先祭無樂舞餘儀同

正殿

肇聖王木金父公

裕聖王祈父公

治聖王防叔公

昌聖王伯夏公

啟聖王叔梁公

博平縣志

卷三

配位

五十三

配位

先賢孔氏

先師兄孟皮

先賢顏氏

諱無繇字路家語云顏繇字季路禮殿圖云顏無由顏子父

先賢孟孫氏

諱激字公宣魯公族孟孫之後孟子父

東廡 現北廡

先儒周氏

諱輔成敦頤父

先儒程氏

諱珦字伯溫顥父

先儒蔡氏

諱元定字季通沈父

西廡 現南廡



先儒張氏 諱迪載父

先儒朱氏 諱松字喬年熹父

博平縣志

卷三

配位

五十四



書院

仰山書院創自乾隆二十年規模湫隘道光二十七年經官紳就文昌宮基址擴充創造故又名文昌書院計

文昌正殿三間東西屋各三間外廳三間大門東西屋各一間西南屋各一間奎星閣一座知縣胡學醅於院後添設考棚四十間北廳三間西房一間東房一間考棚前東西屋各三間光緒十七年重修原有書院地二頃九十八畝歲納地租錢二百五十餘千由

博平縣志

卷三

書院

五十五

邑紳收支官為稽核因經費不敷所有官課獎資及束脩津貼局試生童茶飯均由縣捐給院內設牛痘局課桑所亦皆捐廉辦理以時舉行

義學

城鄉義學共設立八十處光緒二十二年知縣李維誠勸辦分給文行忠信扁額明定章程詳請立案



博平縣續志卷四

祀典志

吉凶軍賓嘉五者國之大紀而方志尤重祀典者治民事神固令長職也舊志有未詳者且今昔儀制有不同者事關典禮均當增入俾隆禮由禮者習焉

社稷壇 在城西北社主土句龍氏配稷主穀后稷氏配

大清通禮直省府州縣各建社稷壇皆社右稷左異位同壇歲以春秋仲月上戊日致祭

博平縣志

卷四

祀典 五十六

神祇壇 在城西南舊志曰風雲雷雨山川壇乾隆間頒

大清通禮始定制曰神祇壇以祀雲雨風雷山川城隍之神蓋前六而今八而天神次序亦異矣通禮直省府州縣各建神祇壇歲以春秋仲月諏吉致祭

先農壇 在城東通禮直省府州縣各建先農壇歲以仲春亥日致祭或用春祭舉行耕藉禮舊見

厲壇 在城北儀見舊志

文廟 詳學校



關帝廟 在城西隅東向光緒十六年知縣金熙柳重  
修順治九年

敕封忠義神武關聖大帝每歲五月十三日致祭雍正三年  
詔令天下府縣春秋祀關帝以太牢又追崇三代

封曾祖為光昭公祖為裕昌公父為成忠公於後殿一體  
致祭乾隆三十二年

加封靈佑嘉慶十九年

加封仁勇道光八年

加封威顯咸豐二年

博平縣志

卷四

祀典

五十七

加封護國三年

加封保民四年四月

諭旨升入中祀由翰林院撰擬樂章並春秋二季及五月  
十三日告祭祝文通行各直省一體遵照六年

加封精誠

春秋祭祝文

惟

神星日英靈乾坤正氣允文允武紹聖學於千秋至大  
剛顯神威於六合仰聲靈之赫濯崇典禮於馨香茲當



仲春秋用昭時享惟祈 昭格克鑒精虔

五月十三日祝文

惟

神九宇承庥兩儀合撰崧生岳降溯誕聖之靈辰日午  
天中屆恢台之令序聰明正真壹者也千秋徵肝鬻之  
隆盛德大業至矣哉六幕肅馨香之薦爰循懋典式  
展明禋苾芬時陳精誠

鑒格

樂章

博平縣志

卷四

祀典

五十八

格平之章迎 神

懿鑠兮焜煌

神威靈兮赫八方偉烈昭兮累禩祀事明兮永光達精  
誠兮黍稷馨香儀如在今洋洋

翊平之章初獻

英風颯兮

神格思紛綺蓋兮龍旂斟桂醑兮盈卮香始升兮明粢  
惟降鑒兮在茲流景祚兮翊昌時

恢平之章亞獻



觴再酌兮告虔舞干戚兮合宮懸歆苾芬兮潔蠲扇  
巍顯翼兮

神功宣

靖平之章終獻

鬱鬱兮之申羅遵筮兮畢陳儀卒度兮肅明裡  
神降福兮宜民宜人

彝平之章徹饌

物惟備兮咸有明德惟馨兮

神其受告徹兮禮終罔咎佑我家邦兮孔厚

博平縣志

卷四

祀典 五十九

康平之章送 神望燎

幢葆歲蕤兮

神聿歸馭鳳軫兮驂虬駢降綰緼兮餘飭醑願迴靈盼

兮德洽明威 右送 神

焄蒿烈兮燎有輝

神光遙燭兮祥雲霏祭受福兮茂典無違庶揚駿烈兮

永奠亶畿 右望燎

關帝廟後殿 咸豐五年七月

諭旨



加封闕帝三代曾祖光昭公為光昭王祖裕昌公為裕昌王父成忠公為成忠王應行更換各祝文交翰林院撰擬其牲牢酒醴籩豆簠簋一切祭品均與

文廟

崇聖祠同

祝文

惟

王世澤覃庥令儀裕後靈鍾河岳篤生神武之英誠溯淵源宜切尊崇之報班爵超躬桓而上升香肅俎豆

博平縣志

卷四

祀典

六十

之陳茲際仲春秋爰修祀事尚祈昭鑒式此苾芬惟

王迪德承家累仁昌後崧生岳降識毓聖之有基本本水源宜推恩之及遠封爵直超於五等馨香永薦於千秋際仲夏之屆時命禮官而將事惟祈昭格鑒此精虔

文昌宮 歲以二月三日暨春秋諏吉致祭嘉慶六年太常寺奏府州縣各立文昌宮祀用太牢並進封三代咸豐六年



諭旨升入中祀由翰林院撰擬樂章並春秋二季祝文通行各直省一體遵照

春秋祭祝文

惟

神道闡苞符性敦孝友並行並育德俾天地以同流乃聖乃神教炳日星而大顯仰鑒觀之有赫示明德之惟馨茲當仲春用昭時享惟祈 歆格光鑒精虔

二月初三日告祭祝文

惟

博平縣志

卷四

祀典

六十一

神功參橐籥撰合乾坤溯誕降之靈英三台紀瑞慶中和之令節九宇承暉若日月之有光明闡大文於孝友如天地無不覆載感至治於馨香爰舉上儀敬陳芳薦精禋罔斁 神鑒式臨  
樂章

丕平之章迎 神

秉氣兮靈躔翊文運兮赫中天蜺旌兮戾止雕俎兮告虔迓

神庥兮於萬斯年



倣平之章初獻

神之來兮籩簋式陳

神之格兮几筵式親極昭彰兮靈貺致蠲絜兮明禋升  
香兮伊始居歆兮佑我人民

煥平之章亞獻

再酌兮瑤觴燦爛兮庭燎之光申虔禱兮

神座儼陟降兮

帝有粢醴潔兮齊邀將綏景運兮靈長

煜平之章終獻

博平縣志

卷四

祀典

六十二

禮成三獻兮樂奏三終覃敷元化兮絜

神功馨香達兮肸蠁通歆明德兮照察寅衷

懿平之章徹饌

備物兮惟時告徹兮終禮儀

神悅燁兮鑒在茲垂鴻佑兮系洽重熙

蔚平之章送 神望燎

雲輶駕兮風旗招

神之歸兮天路遙瞻翠葆兮企丹霄願迴靈眷兮福我

朝 右送 神



網緼降兮元氣和

神光燭兮梓潼之阿化成者定兮橐弓戢矢文治光兮

受福則那右望燎

博平縣志

卷四

祀典

卷十三



城隍廟 在城東南隅光緒十六年知縣金熙彬率士民重修工未竣二十二年知縣李維誠集款脩竣城隍本壇祀齊梁時始有祠祀唐李德裕建成都城隍祠張說牡牧皆有祭城隍文自宋以來其祠遂徧天下明初府封威靈公州封靈佑候縣封顯佑伯通禮稱城隍之神府州縣祀用少牢其涖任詣廟朔望行香皆沿明制

龍神廟 在城東南隅祈禱輒應光緒十六年金熙彬重修

博平縣志

卷四

祀典 六十四

八蜡廟 在城隍廟前光緒十六年金熙彬重修

八蜡詳禮記郊特牲篇今以十二月上旬八穀祭牲用少牢州縣主之

劉猛將軍廟 與八蜡神同廟

將軍時代籍貫其說互異惟饒陽縣志謂是元末指揮諱承忠吳川人弱冠從戎嘗揮劍逐蝗蝗自投境外已而殞國難沉於河明洪武時有司奏請立廟通禮從之歲以春秋致祭咸豐七年

救加保康封號同治四年



加封普佑

博平縣續志卷五

田賦志

舊志田賦詳矣鹽引為民食所必需倉穀又歉歲所當備均列田賦亦以類從也至於蠲緩振撫屢荷綸音皆舊志所略茲特謹稽檔案恭述恩施

鹽引額設三千八百六十一道按八成繳銷應銷正引三千一百二十一道春運在利津之永阜場

博平縣志

卷五

田賦

六十五

倉儲昔年常平倉社倉積穀久已無存現存義倉本城

泰字社五街三關一百二十九村莊前賈寨豫字社

二十四村莊侯家樓咸字社四十村莊大馬莊恒字

社二十村莊倫莊益字社三十一村莊韓官屯晉字

社十九村莊周八丁屯豐字社二十五村莊王麻子

莊升字社二十一村莊婁莊復字社三十三村莊陶

家集鼎字社二十五村莊趙莊震字社二十二村莊

雙廟高莊乾字社二十六村莊朱官屯萃字社東倉

一屯九村莊楊官屯萃字社西倉四屯五村莊共計十



三社倉將積穀分別存儲遇有歉年社長稟官散給  
不經胥吏之手以防弊竇

順治八年水災

上諭以倉穀振窮民以學租振貧士 十一年

詔免六七兩年民欠錢糧 十三年

詔免八九兩年民欠錢糧

康熙三年

詔免順治十五年以前民欠錢糧 四年

詔免順治十六十七十八等年民欠錢糧 十年

博平縣志

卷五

田賦 六十六

詔免四五六等年民欠錢糧 十九年

詔免十二年以前民欠錢糧 二十五年

詔免本年地丁錢糧 二十八年

詔免明年地丁錢糧 三十一年戶部覆准借給窮民捐

儲穀石 三十六年

詔免徵未完地丁銀米 四十二年截留漕運尾船米五

十萬石振濟山東飢民 四十三年

詔免本年地丁銀米並緩徵屢年積欠在民錢糧 四十

四年



詔免山東全省丁銀 四十五年

上諭山東省自康熙四十二年各府屬未完民欠銀米俱  
着通行蠲免倘有完納在官者即准抵本年正賦  
六十年濟兗東青四府被災支倉穀散賑 五十二  
年

詔免山東全省丁銀

雍正元年戶部覆准濟兗東青四府屬康熙六十年六  
十一年被災錢糧照分數蠲免 三年

上諭山東省康熙五十八年至六十一年分帶徵未完錢

博平縣志

卷五

田賦

六十七

糧俱着停徵一年是年東昌府屬被水戶部覆准借  
給災民存倉米穀

乾隆十三年

詔免山東全省地丁銀 三十一年  
詔免本年山東全省漕米 三十五年

詔免本年各省錢糧 四十二年

詔自戊戌年為始普蠲天下錢糧仍分三年輪免 四十  
六年

詔免山東全省糶糧 六十年

詔免節年未完民欠緩徵帶徵銀穀



嘉慶元年

詔蠲免本年錢糧 二十四年以

萬壽恩蠲免二十二年以前積欠錢糧

道光十五年以

皇太后萬壽恩蠲免十年以前積欠錢糧 二十五年以

皇太后萬壽恩蠲免二十年以前積欠錢糧

咸豐元年

恩詔蠲免積欠錢糧

同治元年

博平縣志

卷五

田賦

六十八

恩詔蠲免積欠錢糧

光緒元年

恩詔蠲免同治七年至十年積欠錢糧 十年以

皇太后萬壽恩蠲免同治十一年至光緒五年積欠錢糧

十五年

大婚禮成蠲免光緒六年至九年積欠錢糧 十五年恭

上

皇太后徽號蠲免光緒十年至十三年積欠錢糧 二十年

以



皇太后萬壽恩蠲免光緒十四年至

年積欠錢糧

二

十六年以

萬壽恩蠲免光緒

年至

年積欠錢糧

計開

豁免錢糧自道光三十年起至咸豐九年止應豁緩徵未完民欠正耗統共銀四萬七千三百九十八兩五錢三分九厘又自咸豐十年起至同治六年止應豁緩徵未完民欠正耗統共銀三萬二千五百八十九兩八錢九分七釐又自同治七年起至十

博平縣志

卷五

田賦

六十九

年止應豁緩徵民欠正耗統共銀八千八百四十二兩一錢一分六釐又自同治十一年起至光緒五年止應豁緩徵民欠正耗統共銀八千六百九十六兩三分八錢二厘又自光緒六年起至九年止應豁緩徵民欠正耗統共銀四千三百六十三兩四錢七分一厘又自光緒十年起至十三年止應豁緩徵民欠正耗統共銀二千三百六十四兩五錢八分九厘





博平縣續志卷六

職官志

舊志官師表載令佐儒學並附駐防城守今改為職官志而列以城汛其姓氏失考者仍從其闕

知縣

道楊祖憲

湖北應山縣孝廉方正十年三月任

王政

湖南善化縣進士十九年二月任

劉慶元

直隸鹽山縣副貢二十四年正月代理

胡學醅

順天宛平縣人二十四年六月任

博平縣志

卷六

知縣

宋澍

廣東花縣舉人二十七年六月署

胡學醅

二十九年八月回任

豐韓雲濤

浙江錢塘縣人三年六月代理

蔣慶第

直隸玉田縣進士四年十月任

丁楷

順天宛平縣舉人五年七月代理

蔣慶第

五年九月回任

趙鳴琴

河南澠池縣進士七年七月署

胡叔琳

直隸清苑縣進士七年十二月署

蔣慶第

八年六月回任





金增 順天宛平縣人原籍安徽十年四月署

宋克揚 山西汾陽縣廩貢十一年五月任

嚴陳堯 浙江山陰縣人十一年八月代理

張聯奎 河南原武縣人十一年九月署

劉焯 順天宛平縣人元年九月署

陳昆蘭 直隸易州優貢二年十月代理

蔣慶第 四年三月復任

桂昌 滿洲鑲紅旗舉人六年正月代理

及恩煦 浙江錢塘縣人六年二月署

博平縣志

卷六

知縣

二

周懋祺 江蘇陽湖縣舉人八年正月任

鄭紀畧 湖北天門縣舉人九年八月兼理

劉鑑 順天大興縣九年八月署

李國瑞 順天昌平縣舉人十年正月任

文榮 漢軍正藍旗進士十一年十二月署

光緒 吳準仁 江蘇陽湖縣人元年正月任

王朝宗 順天寶坻縣人六年正月署

金熙柳 江蘇嘉定縣人七年正月任

蔣式珩 順天玉田縣廩貢十五年正月署



金熙柳十六年二月回任

段國鈞 河南濟源縣人十六年十月代理

朱慶元 江蘇上元縣廕生十六年十一月署

祥成 四川駐防鑲藍旗人 繙譯進士十七年八月

李維誠 順天大興縣進士 原籍江蘇十八年正月任

劉昌祿 順天大興縣 二十四年署

王用霖 山西榆社縣舉人二十五年二月任

彭寶銘 順天大興縣人 原籍廣東二十六年二月署



教諭

道王以忠 沂州蒙陰縣拔貢二年十一月任

山會清 登州黃縣舉人十四年八月兼理

王學孚 登州榮城縣廩貢十四年十一月任

宋國典 青州益都縣舉人十七年十一月兼理

馬蘭亭 濟南濟陽縣廩貢二十一年正月兼理

王得壽 濟南禹城縣舉人二十一年十月兼理

權毓翁 登州福山縣廩貢二十一年十一月署

劉 祭 青州壽光縣副貢二十二年七月任

博平縣志

卷六

教諭

四

羽佳翰雲 濟南淄川縣廩貢二十八年六月兼理

孟 鈺 濟南章邱縣舉人二十八年七月署

孫叔方 萊州掖縣舉人二十九年二月任

咸豐都寵錫 青州安邱縣舉人五年九月兼理

孫叔方 五年十二月回任

都寵錫 十年二月兼理

趙源泉 武定蒲台縣附貢十一年十一月任

同治史炳筠 武定樂陵縣附貢九年八月署

秦 燮 臨清武城縣恩貢九年十二月署



緒沈緒英 濟南章邱縣廩貢四年二月任

藥玉章 青州博山縣廩貢四年十月任

高中誠 臨清邱縣拔貢十一年正月任



訓導

光道 山會清登州黃縣舉人七年四月任

王以忠沂州蒙陰縣拔貢十三年二月兼理

山會清十三年三月回任

金聿田登州文登縣舉人十六年四月署

宋國典青州益都縣舉人十六年八月任

陸汝珪武定樂陵縣舉人十六年二月代理

李希佐萊州即墨縣舉人十八年三月署

宋國典十八年閏四月回任

博平縣志

卷六

訓導

六

辛子鏞兗州汶上縣舉人十八年七月署

王學孚登州榮城縣廩貢十九年十二月兼理

金昌運沂州蘭山縣舉人二十年四月任

王學孚二十年八月兼理

馬蘭亭濟南濟陽縣廩貢二十年八月署

王學孚二十一年八月兼理

王得壽濟南禹城縣舉人二十一年十月兼理

權毓翁登州福山縣廩貢二十一年十一月兼理

孫滙渠濟甯金鄉縣歲貢二十三年十一月任



劉榮

青州壽光縣副貢二十八年二月兼理

翟翰雲

濟南淄川縣廩貢二十八年二月署

張奉舉

登州黃縣歲貢二十九年五月任

豐孫叔方

萊州掖縣舉人四年正月兼理

黨繼成 濟南歷城縣舉人四年二月署

孫叔方 四年四月兼理

都寵錫 青州安邱縣舉人四年八月任

孫叔方 八年五月兼理

都寵錫 八年六月回任

博平縣志

卷六 訓導

七

洞趙瀛海 登州黃縣舉人二年十二月任

吳金台 泰安泰安縣舉人十八年四月任

朱符 青州安邱縣舉人十三年正月任

郭印川 濟南長山縣舉人十三年九月任

緒孫廷翮 登州文登縣舉人元年正月任

宋榮漳 登州海陽縣廩貢四年八月任

謝有信 登州黃縣舉人四年十月任

杜廷珍 兗州鄒縣廩貢十五年十二月任

單蔭堂 青州高密縣舉人十六年六月任



閻賡韶

青州

昌樂縣

廩貢

二十一年

五月

任

宋其端

青州

樂安縣

舉人

二十二年

十二月

任

博平縣志

卷六

訓導

八



光道周 洪 順天大興縣人原籍浙江八年六月任

馮 芝 順天宛平縣人十四年六月代理

周 洪 十四年六月回任

李步峰 河南孟縣人十六年八月代理

戴葆光 順天宛平縣人十六年九月署

周 洪 十七年六月回任

薛鳳翔 江蘇元和縣人二十年五月代理

周 洪 二十年六月回任

博平縣志

卷六

典史

陳 模 順天宛平縣人二十年七月代理

王金蘭 河南鞏縣人二十年九月署

周靜川 順天宛平縣人原籍浙江二十一年三月任

陳 模 二十一年八月代理

金肇崢 直隸清苑縣人二十一年九月署

呂偉暉 順天宛平縣人原籍安徽二十二年六月任

孫 鑿 順天大興縣人二十八年四月代理

袁一士 江蘇江甯縣人原籍浙江二十八年七月署

陳曜曾 順天大興縣人原籍湖南二十九年六月任



孫錫嘉 順天大興縣人 二十九年十月代理

陳福鎮 浙江會稽縣人 二十九年十月任

童大畊 順天大興縣人 三十年三月署

<sup>咸豐</sup>宋 球 安徽蕪湖縣人 元年四月任

張 煜 廣東儋州人 七年三月代理

周長德 直隸甯津縣人 七年四月署

盧宗權 江蘇上元縣人 八年二月任

同 梁仲華 河南邙縣人 二年二月代理

胡文彬 順天通州人 二年四月署

博平縣志 卷六 典史 十

吳 沛 江蘇陽湖縣人 三年四月任

許文鏡 浙江仁和縣人 九年四月代理

張升瀛 浙江山陰縣人 十一年四月署

王恩溥 浙江山陰縣人 十一年八月署

陶如恒 順天大興縣人 十三年十月署

黃 篤 江蘇宜興縣人 十三年十二月代理

光緒 石懷南 陝西華陰縣人 元年二月署

顧 德 浙江山陰縣人 二年三月任

王錫恩 順天通州人 二年七月任



戴丙照

江蘇上元縣人八年正月代理

藍新敬

浙江定海縣人八年四月署

馬衢亨

江蘇武進縣人十四年三月代理

米萬邦

直隸阜城縣人十四年五月署

周祖森

安徽懷甯縣人十五年六月任

鍾繼鏞

順天大興縣人十九年三月代理

及椿壽

浙江錢塘縣人十九年五月署任

宛慶熾

順天通州人二十年六月任



城汎

乾隆 吳 潼 順天宛平縣人入博平籍居南街

豐咸 丁玉昇 愆城縣人武生二年署任

孔廣苞 荷澤縣人武舉三年四月任

萬家春 愆城縣人武舉五年六月任

成玉璽 荷澤縣人軍功十年二月任

同治 馬炳義 愆城縣人行伍十年四月任

沈之謙 新泰縣人世職十七年六月署

李延椿 愆城縣人武生行伍十七年五月補授

博平縣志

卷六

城汎

十二



政蹟

胡學醇號秋朝順天宛平人道光二十四年任博平  
邑有書院因經費不充弦誦衰息為之延師主講  
捐俸具贄於書院後添設考棚俾應試者得所棲  
止湄河年久失修秋潦為患重為脩濬故道並於  
城之西南開溝導水創挑護城河以受之又於觀  
音堂岳家莊白家道溝袁家營等處相度地勢使  
水均歸徒駭同時修建商家許家等橋民甚德之  
祀名宦

博平縣志

卷六

政蹟

十三

周懋祺字耆卿江蘇陽湖人道光己酉舉人同治八  
年任博平視政年餘政平訟理嘗言世俗矜奇立  
異故為鳴高而適足為民病不煩不擾庶乎可矣  
惜未久任遽卒於官

吳準仁字宅甫江蘇陽湖縣監生於光緒元年正月  
任履任五年善政不可枚舉其尤善者每年漕米  
急公完納者並車馬之費不過知回縣折收之數  
凡呈控者即日斷結往往兩造未具已折服而歸  
有時傳訊計里定時周達片刻此兩端閭縣受惠



多矣雖繩文學士有過嚴者無非成其品行不使  
流於刁劣而已去任之日官囊蕭然猶其末節焉  
爾

金熙柳字季鶴江蘇嘉定人光緒七年任博平以徒  
駭河巨縣境舊有堤岸年久失修夏秋盛漲時虞  
泛濫勸民修築兩岸堤堰計長二萬餘丈凡三閱  
月而完工十五年調肥城越歲復任惜以積勞成  
瘁不逾歲卒



博平縣續志卷七

選舉志

舊志稱選舉表實與官師表皆未列表也茲改為選舉志鄉舉諸貢之外綴以武科但詳科分而不載事實志例然也封贈附

鄉舉

道光 劉鳳翽 乙未 恩科

任鵬展 庚子科

楊廷桓 癸卯科

博平縣志

卷七

鄉舉

十五

咸豐 岳丙陽 壬子科

同治 薛樹棠 壬戌補行辛酉科

張建楨 甲子科 揀選知縣加同知銜

光緒 耿亨泰 乙亥 恩科

曹連枝 戊子科

任德普 甲午科



恩貢

道光 劉雲岫 丙午年

王 溱 庚戌年

咸豐 何九經 壬子年

王維城 甲寅年

王華廷 丙辰年

何汝蘭 庚申年

同治 霍 蘭 壬申年

光緒 耿咸泰 己卯年

博平縣志

卷七

恩貢

十六

赫文津 辛巳年 候選教諭

郎苓芳 己丑年



拔貢

道光 任鵬展 丁酉科

趙元泰 己酉科  
縣訓導

署單縣 萊蕪 臨邑 等縣 教諭 博山

咸豐 謝順之 辛酉科

雲南 雲龍州 知州

同治 胡慶恭 癸酉科

光緒 曹連枝 乙酉科

桑鶴軫 丁酉科

博平縣志

卷七

拔貢

十七

副貢

道光 張克聖 己亥科



歲貢

道光 李咸林 壬辰年

張士秀 戊戌年

竇榮繡 乙亥年

馬作霖 庚子年

李雲龍 甲辰年

張作苑 戊申年

咸豐 傅鳳銜 辛亥年

鄭建德 壬子年

博平縣志

卷七

歲貢

十八

丁立堂 乙卯年

竇奎元 戊午年

王玉璇 己未年 濱州訓導署昌邑縣訓導嶧縣新

傅鳳桐

黃萬春 庚申年

傅鴻誥 辛酉年

同治 李東達 甲子年

李 邵 丁卯年

賈廷楨 庚午年



梁 繡 壬申年

張素齋 甲戌年

光緒 劉春熙 己亥年

孟繼勳 丁丑年

李如春 戊寅年

黃 璋 己卯年

成文耕 壬戌年

李鏡藻 癸未年

許蘭芳 丙戌年

博平縣志

卷七

歲貢

十九

溫廷鰲 戊子年

朱葆德 庚寅年

王丙之 壬辰年

趙光第 癸巳年

婁韻泉 甲午年

謝蘭圃 丙申年

李文鳳 丁酉年

張蘭俊

桑鶴皋 壬午年



潘畫棟丁酉年

刁鑰臣

李天保

博平縣志

卷七

歲貢

二十



補遺 皆舊志所未及者

明

進士

畢用

科成化十七年河南商邱縣知縣

歲貢

刁養元萬曆

年長山教諭安徽宿松縣知縣

刁 紳

國朝

副貢

博平縣志

卷七

補遺

二十一

嘉慶 實 濬 庚午科 招遠縣訓導

歲貢

康熙 任 安 庚戌年 淄川教諭

乾隆 任 廷 獻 庚寅年 魚臺教諭

乾隆 張 棟 戊申年 福山訓導

嘉慶 傅朝宗 庚申年

李泰階

優貢

乾隆 寶世炎 辛亥科 江西餘十縣知縣



武科

康熙宋慎修辛酉科武舉

道光刁榆辛巳恩科武舉平陰縣把總



武科

武進士

道光 張周南 丙申科 以守備用

咸豐 苗龍池 壬子科 御前侍衛 河南陳州都司

博平縣志

卷七

武進士

二十三

武舉

道光 張周南 甲午科

張芸亭 己亥科

苗龍池 己酉科

謝占魁 己酉科

咸豐 張芳亭 壬子科

謝履芳 乙卯科

同治 梅鳳嶺 壬戌科

于光第 甲子科



張雲祥 丁卯科

朱桂枝 癸酉科

孟廣甲 乙亥科

烏瑞岐 辛卯科

楊鳳嶺 辛卯科

李占魁 辛卯科

周傳璧 癸巳科

烏邁干 丁酉科

梁蓉第 丁酉科

博平縣志

卷七

武舉

二十四



封贈

宋名科 康熙四十二年以子懷珍官

贈武德騎尉山西助馬路中軍守備 妻劉氏封宜人

王作楨 同治十三年以子玉璇官

封奉政大夫五品銜濱州訓導 妻陳楊氏封宜人

張夢周 光緒十五年以孫建楨官

贈奉政大夫 妻劉氏 封宜人

張兆錫 光緒十五年以子建楨官

贈奉政大夫 妻吳氏 封宜人

博平縣志

卷七

封贈

二十五

刁瑞賜 嘉慶元年以子錦官

贈修職郎青城縣訓導 妻王寶氏 封孺人

傅其楠 光緒元年以孫吉先官

贈奉直大夫 妻袁氏 封宜人

傅鴻誥 光緒三年以姪吉先官

馳贈奉直大夫 妻左氏 封宜人

傅鴻湘 光緒元年以子吉先官

封奉直大夫 妻胡耿氏 封宜人



博平縣續志卷八

武備志

舊志於武備獨略惟分防城汛應列職官則營制及驛遞均所當志山東通志例也至於寇賊蠢起旁擾郡縣波及博平忠義節烈之卓然可風者固書不一書矣則兵事尤不可不記焉

分防博平縣汛把總一員額設馬兵五名步兵十六名汛係東昌營管轄東昌營原設都司千總歸兗州鎮屬嘉慶十九年增設曹州鎮二十二年將東昌營改

博平縣志

卷八

武備志

二十六

隸曹州鎮屬並以東昌為曹州門戶將曹州營參將移設東昌並設中軍守備東昌營原設都司千總移設曹州



驛站鋪遞

博平縣原設里馬八匹馬夫五名白夫八名今設走遞馬三匹走遞驢一頭馬夫二名半白夫八名歲支里甲夫馬銀壹百柒拾柒兩柒錢陸分肆釐叁毫

博平縣額設城內界牌引馬陳家四鋪共鋪司鋪兵十名歲支工食銀陸拾玖兩捌錢玖分玖毫



兵事

咸豐五年粵匪李開芳據在平之馮官屯忠親王僧格林沁決徒駭河水以灌之導源自南鎮南引入在平官道東入新河又東北入馮官屯李開芳就禽餘衆殲焉粵匪平

咸豐十一年堂邑教匪宋景詩倡亂名黑旗黨羣匪響應擾及博平團長殉者八人義勇死者二百三十餘人

同治七年捻匪張總愚與賴文洸同時北竄巡撫丁寶

博平縣志

卷八

兵事

二十八

楨議堅壁清野賊再擾博平攻寨肆掠蹂躪殆徧七月事平邑人被難者詳人物志



博平縣續志卷九

藝文志

舊志藝文文與詩各一卷備矣茲但擇其有關脩建之碑記表揚之表狀凡數篇非文之止於此也亦謂文之當存者然爾

重脩明倫堂碑記

劉鳳翽

癸亥之冬學師趙百川趙春浦兩先生置酒招客慨然言曰我

朝立制令各郡邑於廟學建立明倫堂俾學官講論

博平縣志

卷九

明倫堂碑

二十九

其間用以訓迪士子使之敦廉隅明禮讓漸摩乎仁義涵泳乎道德薰陶乎詩書文學砥節勵行不惟退為鄉民率且將上副

聖天子作人之盛為純儒為純臣胥恃有此也乃登斯堂而垣墉頽廢棟宇折摧烏乎可願諸君亟為修治計皆曰唯今年春司事諸人與邑中同志籌其所需凡本石甃瓦灰土油漆之屬所費良鉅或任采買或筦出納協力經營凡兩閱月而遂蒞事其在斯干之詩曰君子攸芋又繼之曰君子攸躋謂夫築室既成君子居焉而



尊且大者將以宏敷布著猷為也今之成此堂也不必  
鳥革翬飛備極壯麗而顧名思義致一邑人士羣相勉  
為孝子悌弟之行則敷布猷為孰有過於是者是為記  
同治元年 月

重修關帝廟碑記

城東五里墩

李金枝

普天下莫不尊親通都大邑以及窮鄉僻壤肖像而崇  
奉之者固無如 關帝矣贊頌之碑版無不搜奇盡致  
以爭能實於 帝無與也蓋 帝之聖神文武無須乎  
贊亦實無可贊而迂腐庸俗之輩反於 帝有疑神疑

博平縣志

卷九

關帝廟碑

三十

鬼之說令愚夫愚婦惶惑驚訝甚則列於道觀配德空  
王真孰甚焉或曰如子言則 帝不當祀耶余曰吾詎  
謂 帝不當祀者但人不知所以祀耳吾謂欲祀 帝  
宜知 帝之為帝欲知 帝之為帝仍以聖賢之語為  
歸夫子曰成仁孟子曰配義曾子曰大勇子思曰至誠  
謂之志士也可仁人也可君子也可大文夫也可顯之  
為常人之固有深之為至人之不測仰之為日月之經  
天俯之為江河之行地苟吾心光明磊落即 帝心也  
帝心即天心也祀 帝即祀天也宮殿以崇之可也



祠宇以像之可也即家家尸祝之無不可也博邑城東五里許有帝廟焉歲久且圯里人士傅虞愷等新之將勒諸石余因以帝之為帝昌言之俾知所以祀帝者不然揆拾蕪詞不宗正史喋喋不已恐反為帝之所呵也已時乾隆二十九年六月

重修關帝廟碑記

金熙柳

關帝廟祀徧天下自通都大邑以逮窮鄉僻壤異域遐陬莫不立祠肖像歲時瞻禮况乎我

朝定鼎遷晉徽稱

博平縣志

卷九

關帝廟碑

三十一

詔於春秋兩祭外五月中加祭一壇令典煌煌於今為烈則博平之有廟由來久矣廟在縣治西負城臨水遙對黌宮規制固巍然也無如年遠未修祠宇半形剝蝕每值朔望行香目覩而心疚者屢矣今年春邑紳耆謀所以新之者商於余余嘉其事之克舉也因捐廉以為之倡而四方好義者咸爭先樂輸於是鳩工庀材兩月而畢是舉也非徒以飾輪奐壯觀瞻也將博邑之官吏士庶祈於斯報於斯為我

國家祝萬年有道之長焉亦於斯凡駿奔而拜於宇下



重修城隍廟碑記

李維誠

廟祀之神徧天下古聖賢社稷而外惟城隍為然聖賢以德社稷以功而城隍之憑依厥土者將以理陰贊陽禍淫福善明則有守令幽則有鬼神本先王遺意以神道設教也爰稽祀典始於唐紹於宋迄於有明自京畿以及郡縣皆立廟以祀之尚矣博平邑治東南舊有城隍廟年久屋壞前令金君偕邑士修之僦功未畢歷數年又以頽廢金姑八蜡諸祠傾圮無有存者光緒壬辰維誠來守是邦祇集善士先修孔子廟廷乙未春增修

博平縣志

卷九

城隍廟碑

三十三

茲廟民驩趨之贏財徵工八閱月而歲事堂廡門屏像飾儀衛煥然一新夫而後神之憑依者安而民之瞻視者肅矣於是擇元辰會羣吏禮於其廟搢紳綏佩之士升降拜跪於其堂聊攝之境鳴犢之濱氓庶偕來者適觀厥成焉乃屬耆老而告之曰天降康年神之貺也邑無暴客神之靈也自今以始振古如茲神之有功於吾民食報於吾邑者顧不鉅哉抑又聞之城者城也隍者池也古者建邑必修宮室浚城隍以備制度亦王公設險城復於隍之義也博平土地無名山大川廣博而平



行築斯城也鑿斯池也保障之攸賴不有神焉以呵護  
其間乎然則斯廟之修庶幾慰答民心急先務也已廟  
既修候選訓導許蘭芳等請記其由余喜前令之創其  
始而邑之人士咸能樂事勸功也因道其詳且刻名於  
石後之人得以覽焉



廩祿義社序

許蘭芳

郡縣有學與太學相峙唐初增廣生員明時於原額外增之名曰增增迨後又有廩祿之設

國家尊賢養士德澤涵濡深且遠矣查博平縣學廩糧每年支給銀庫平一百七十三兩六錢一分二厘膳夫銀每年庫平十三兩七錢七分七厘嗣因度支告匱奉文減平扣建計廩銀每兩減平六分每年共除減平銀十兩零四錢二分膳夫每年共除減平銀八錢七分七厘六毫應領廩銀一百六十三兩一

博平縣志

卷九

廩祿社序

三十五

錢六分九厘膳夫銀十二兩九錢按季赴縣請領各在案後諸廩生與禮房齟齬請歸儒學支領每年需費銀十四兩四錢錢十一千六百文光緒九年九月廩生即盤生約諸同人與予會議欲將此費會成義社為廩生出貢之資屢請 邑尊會同儒學批示歸縣庫由廩生親領每年餘前費銀十八兩再合二貢每貢助京錢一百千文永為例每季分銀之日酒飯費錢一千五百文分銀後照市價公平兌易所餘錢文會核登記或存縣庫或存錢舖如出貢之日錢項



不足亦暫由庫房錢舖供用領出公項歸償再新補  
廩者定於首季領銀時捐錢二千文以入義社祇捐  
一次不得再捐以上各項支銷均擇一二公正廩生  
董其事年終會同核算以示無私如有不守社規營  
私舞弊諸廩生會同議罰責令出社出貢亦不得津  
貼如此恪守定章久而勿替飲和食德共成名教中  
人即寒畯之家不至以出貢無資逡巡頽廢庶於養  
士之義不相刺謬云是為序



重修仰山書院碑記

李維誠

周禮師以賢得民儒以道得民凡以教為學而學為大人之學者也後世橫序林立儒言儒服者日凡幾輩繡飾鞶帨師承互異駸駸焉漸失古意之所存高山仰止景行行止古今人殆不相及耶博邑仰山書院始於乾隆二十年芟薙荆榛闢為講舍道光十四年邑侯楊公始建文昌宮上應奎曜於宮後拓椽三十餘間為士人絃誦之所一時雲集響應賢才盡出其門道光十七年邑侯胡公與邑紳李琢修復建考棚得所棲止士人頌

博平縣志

卷九

仰山書院碑

三十七

之迨後蔣公箸生三泣此邦校士之餘復捐金為課獎誠足嘉矣惟是歷年既久物換星移風雨摧殘烏鼠叢穴舊時堂構岌岌幾瀕於圯邑士紳有志重修而未之逮也光緒十五年蔣公友山捧檄至此甫下車即以振興文教為己任進邑紳士而告之謀所以修葺者復出俸為之倡邑人美公克紹前徽也董勸捐輸各輦金錢以襄事捐未集而蔣公解任邑侯金公再任斯邑諄勸集款於六年三月興工六月歲事暨茨丹獲次第重新匡坐鼓歌得所仰沫二公實有力焉第束脯之敬膏獎



之資酌盈劑虛尚難贍給當思有以善其後也維誠甫  
涖是邦邑紳許廣文蘭芳等以是為請乃進諸生而告  
之曰諸生從事於學而學為大人之學者也大學自格  
致誠正修齊治平內聖外王之道均不外是而澈上澈  
下其樞紐不外乎思誠思則得之弗思則不得故思字  
尤為能誠之要領大學慮而后能得一語其左驗也方  
今上知下愚不概見而中材實多惟筦之以思乃能閑  
其所習是雖師儒之責亦有司之責哉至歷任捐款若  
千餘款存息若干地租及散行撥款若干分泐碑陰備

博平縣志

卷九

仰山書院碑

三十八

攷是為記



廣西麥嶺營都司卹授雲騎尉世職張君墓表

蔣慶第

道光三十年庚戌粵逆始熾當事度弗能隱乃奏聞而集諸軍合勦三月署麥嶺營都司張君周南遇賊於永福境與戰力絀死之

詔旨憫卹

予祭葬授雲騎尉世職是年七月家屬往迎櫬六千里外歸葬於博平盧家村南阡越四年慶第來令是邑狀君義烈思聞其詳顧求諸狀誌不可得己未春其子春

博平縣志

卷九

張君墓表

三十九

所以墓道之文請乃考始未譜而授之君諱周南字西伯號萬封先世由洪洞徙博平家焉曾祖德儉祖岱松鄉飲賓父經大學生 贈武德騎尉母賈氏生繼母郭氏俱 贈宜人君生而魁傑膂力絕人善騎射應童子試勇冠其曹道光甲午武舉丙申進士二十四年授廣西提標前營守備旋署鎮安都司二十七年逆徭雷再浩倡亂勾結粵匪李世得等君提士卒扼之全州咸口橋纖斃百餘復於壩頭大梅頭擒獲其黨多人事竣以都司陞用



賞戴花翎二十八年鎮安賊黃添宋等戕官君密緝獲  
要犯部議紀錄一次三十年正月署麥嶺營都司甫逾  
月檄調勦賊君歷行間久素敢戰為大府倚重思奮身  
建不世功至是率所部三百人馳往塗間又為上官分  
去僅餘百人抵龍虎山百里村賊突至眾望塵驚卻君  
曰吾以辦賊來雖知不敵顧安避之遂整列以前而賊  
勢蜂擁後無援軍竟被創手格數人而歿君將之任別  
鄰里或以邊地剽悍為虞慨然曰男兒為國致命事濟  
功名顯不濟效伏波馬革顧不壯耶比聞君死人咸曰

博平縣志

卷九

張君墓表

四十一

是素定於中非偶然者夫士平居言忠孝值利害粹嘗  
翻然易操如兩人或恒怯澳忍無卓立志迫於時會以  
捐軀君子猶與其卒而略其始况君之志節皎然者哉  
抑逆泉之變當丁未戊申間由蘄已兆使有如君輩四  
五人授以擒捕之權而觀其效彼特胥篋斗米伎倆且  
晚間駢首就戮耳顧以海宇晏安重發大難癰幾潰也  
猶固護之迨燎原不可撲滅嘆喑宿將甘以身予賊而  
於時難迄無少補斯氣數耶抑人謀致然也君於內行  
修贈公沒奉伯父純命惟謹析爨時有良宅一區叩頭



固辭讓人稱歎之與弟化南友恭無間生嘉慶八年十  
一月初七日卒道光三十年三月二十五日年四十有  
七配杜宜人前卒子春圻承龍雲騎尉春田前卒



節婦盧氏行狀

蔣慶第

蓋聞聖人先貴庸行而女子豈矜奇節縣城西北十五里利一十甲赫家莊赫振河之妻盧氏嫁年十七二十二而夫亡六十四而身故夫亡之後矢死靡他四十餘年如一日其節也如是事舅姑以孝稱宗族鄉黨無間言其孝也如是氏生一女不數歲而折夫弟三子四女長繼美為氏嗣固善視之其餘概視如己出子女均以母呼之甫離襁褓無不樂就其撫育若忘生者為其母也其慈也如是氏勤紡績積錢數百千見家計窘迫遂

博平縣志

卷九

盧氏行狀

四十二

盡交夫弟振川置產業終其身未嘗一念及其惠也又如是是四者皆庸行若氏之所行可謂庸行之至矣茲特錄其實行云爾非敢稍有溢美也



重修青龍橋記

蔣慶第

博平西北四十里曰商家莊漂水經焉架石為橋曰青龍明崇正間邑人商某所創始也余頻歲經其地橋半欹念興復之顧未果同治乙丑冬關人持簿入則邑庠生宋錫齡等募修茲橋而耆賓崔建邦實董厥事余嘉之助以貲閱一歲訖工來請記余謂古者水涸成梁月令孟冬謹關梁蓋有司者事耳余承乏斯邑自甲寅迄今十有三年間凡三仕矣方其身之所歷目之所觸未始不愾然動於中迨已事而歸則以所不覩而閣置之博平縣志

卷九

青龍橋記

四十三

久且習而忘焉則其他之利宜興弊宜革者於今亦概可知已崔君為斯邑民顧能代有司者任其責是殆補余過者乎余為斯記獨何能不慙於心也



重建西李家橋記

李金枝

博陵為齊之西鄙左氏云西至於河是也又云聊攝以東攝之故蹟在焉自黃河南徙而漯水繞其外其自聊城蜿蜒以達於海者則唐之篤馬河也茲河在博自南轉東設橋不一處而由縣治達西北一帶往來尤衝河之南北列村而居相載者日相接也每逢夏秋之交行人苦之吾宗際熙前輩於乾隆戊辰糾衆創始募碌碌作柱上實以板既利水且省費號西李家橋所以別於東也不病涉者久矣乾隆丙戌大水為災所在之橋俱

博平縣志

卷九

李家橋記

四十四

圯而茲橋亦半就頽且橋之兩岸潰敗不可收拾際熙公於丁亥年謀重建基稍西移而制加廣視前功益偉矣余村在河之南時與吾弟克紹等渡河談讌因慨想至聖返駕之處流連低徊不止臨流賦詩也茲以書來云吾父作橋昔未有記今當重建欲誌其巔末非云居功實以示繼起者因時修補勿忘前功也余因感焉念世之為善者非建空王之殿即新大士之宮而於人事當為者反退縮不前而際熙公獨以濟人利物為心一再不止真可以輔王政之缺而傳諸不朽矣因喜為之記



重修永濟橋記

李維誠

說文橋之言趨從木喬聲喬高而曲水梁也夏令曰九月除道十月成梁是橋梁亦王政之所急余治博陵之期年有梁萬清崔干城等為余言曰梁家道口有永濟橋始於乾隆二十三年夏潦秋霖洪濤奔激日久傾圮後易為小橋僅通行人車騎仍不得渡行者苦之今謀於鄉老集貲改建廣以五空凡過此者如履康莊無濡軌輸載之虞焉橋始於光緒十八年十月十九年五月竣工首施競勸閱歲乃成任事之難如此乞余為之記

博平縣志

卷九

永濟橋記

四十五

余思徒杠輿梁足以濟人利物故經傳常言之後世往往於琳宮梵舍輝煌金碧不惜巨資以為邀福計其於除治道梁即一木一石亦且吝惜而置之不問何本末之相悖哉若梁生者可以風已予故樂為之序並刊姓氏於碑陰



續建阜成亭記

王用霖

光緒己亥春仲余除是邑甫下車周閱城署殘缺圯漏  
屏蔽綦難城之工浩繁未克急理而邑署乃治事之廳  
為百姓所宗仰苟令頽圯何以肅政教而赫聲威爰葺  
之新之平之修之因簡去陋歸於整齊而規模畧奠治  
後有土基巋然數尺詢之耆民曰此舊臺址也未悉其  
名索志徵之是即阜成臺之遺蹟歟臺初為萬厯間大  
令韓文所創高數仞至順治時王言復建春暉樓於其  
上氣象崔峩風景軒敞固極一時勝概乃歲久日頽無

博平縣志

卷九

阜成亭記

四十六

復踵其事者飄零荒落蔓草埋蹊昔人所謂清風秋月  
皆饒佳况歲闌舞雪俯視瓊瑤此情此景早湮滅而不  
復睹矣夫修廢舉墜余之責也然以細故而勤民亦有  
所不暇乃捐貲鳩庀塗茨丹雘因基以為亭友人曰物  
之成毀固有時也是不可不記攷博邑地勢平行無名  
山大川足資襟枕署基頗高脉坐低窪非得是亭以為  
關鎖則不足閤中而肆外前之創是臺者固有為而為  
之者乎茲值鱗原麥熟羽扇風薰時雨流膏沃禾足野  
而亭適告成非曰公餘閒眺藉養性天抑以培風水觀



稼穡與民同樂熙熙如也豈不快哉顏額曰阜成取物  
阜年成之意且誌舊也後人或由此而恢廣之即以此  
亭為權輿可耳是為記四月下泮古偃武王用霖并書



者罔不油然而生其忠義之心則帝君之福佑此土也  
又豈有既哉故敘其緣起以驗來者光緒十年月

博平縣志

卷九

關帝廟碑

三十二



博平縣續志卷十

人物志<sup>上</sup>

方志人物專載本籍大抵皆舉其重而言茲將孝友忠義為上卷善行文學老壽為中卷列女為下卷

孝友

郭于岐邑廩生明孝子郭綸曾孫也母病篤以血書禱於神病旋瘥其後母沒哀毀骨立廬墓三年明季盜賊蠭起猶子金庫被創垂死于岐仰天歎曰吾弟絕續在此一人奈何願以幼子代已而金甦而

博平縣志

卷十上

人物孝友

四十八

其子竟死順治初年邑有寇警于岐登陴守禦城賴以全邑大飢倡議開倉煮賑全活災黎無算生平以道自重以禮自範退居鄉里以詩書課子孫各有成就四方受業者均拾青紫以去邑令題其門曰孝義世家祀鄉賢

朱成業明處士成德之胞弟也成德偶罹於臯成業不忍兄受桎梏乃代兄繫獄凡十餘年卒死獄中乾隆二十四年張秉正為文記其事立石於墓側烏慈字惠心一字澹軒邑庠生性至孝色養兼至



平居讀書樂道泊然寡營其課督子孫日有程度  
尤以躬行實踐為務康熙年間學使以德行表其  
廬所著有崇祀錄黃門始末略四書集說讀史錄  
尚友集廣善編書堂偶記烏母家傳等書未梓祀  
鄉賢

張嘉瑞監生考授州同植品端方夙敦孝友務實行  
勤課讀子弟先後入泮乾隆十四年改修 文廟  
綜司其事以迄於成壽九十五歲

李 槐少失怙家貧無立錫地奉母乞食雖粗糲必  
博平縣志 卷十上 孝友 四十九

誠必潔母老且癯背負以行後為人傭得值供母  
凡母所欲無不給母病稽首祝天誓以身代母亦  
尋愈晚境稍豐年已耄耋家人以肥甘進必屏去  
曰吾父母未嘗有是食之不甘也人皆呼為李孝  
子

張桂枝庠生候家樓人性孝友善草書其父亦庠生  
易簣時屬其母曰吾沒家貧無以為養但依桂枝  
可矣父死諸弟爭析爨桂枝曰母在不宜分居如  
願分遺產與弟歸吾者老母耳家雖貧養母無缺



母亦顧而樂之後遇大旱鄉人設壇禱雨桂枝跪壇中痛哭曰天久不雨吾母何食天果大雨人以為誠孝所感云

李玉相字琢修道光戊子科舉人武城訓導秉性孝友內行純篤不輕然諾伏處閭里從學者多一時知名士後司鐸武城絃歌不倦士林翕然縣令胡學醜重修書院創建考棚賴君實左右之其他善行不可枚舉祀鄉賢

任兆祥字吉符居城之西街家貧兄弟五人析爨時博平縣志 卷十上 孝友 五十 獨無所取人皆以孝友稱之性勤朴與物無所迂道光二十五年知縣蔣慶第繕城濬隍兆祥任其事寒暑無稍閒越歲寇警登城扞衛時年已七十督率不少息以勞致疾卒

李硯田字文明早歲讀書善事繼母先意承志始終靡懈兄弟四人既養且教同宗子弟無不賙恤以冀其成立鄰里小競為之排解莫不帖然

烏玉田字藍圃太學生少失怙事母孝母卧病三載晨夕侍奉未嘗稍懈鄉黨有事輒為解紛貧乏者



時量力資助一時稱為長者

謝荔字挺軒太學生鄉飲大賓幼穉以孝友聞矩步規行治家有法子弟以次成立三子順之以乙酉選拔受雲南雲龍州任卒於塗人皆代為惋惜而君洞達世事見義必為不以時命之舛而少移其志也同治七年捻匪入境與事城防不辭勞瘁鄉里稱之

邢金車字維麟幼失怙事母至孝咸豐庚申博境為宋逆蹂躪人民離散金車周給保全者甚眾後張

博平縣志

卷十一

孝友

五十

總愚來犯金車為官軍備資糧賊退鄉里皆稱道之其他建橋脩渡善行為多沒後鄉人為立碑於墓側

郭懷寶字韞輝邑庠生家貧事母以孝聞性耿直不事干謁官吏多欽重之

傅鴻湘字凌源至性過人篤於孝友母袁氏年老失明鴻湘調護多方先意承志躬親澣濯歷久無倦容母沒事繼母尤謹與兄鴻誥出入必偕以文行交相勗兄出嗣析箸因以田宅之美者悉讓其兄



其制行不苟類如此

郎維烈邑庠生與兄增生維新皆有至行怡怡一室  
惟以絃誦為事雖嚴寒盛暑不輟其治家課子孫  
皆有則故後起多賢皆有聲庠序其鄉里善舉尤  
以維新之力為多

馮懷寶字媚川歲貢生事繼母以孝聞雖嚴冬盛暑  
瓌屑必親性尤嗜學從游而入庠食餼者百餘人  
子凌鶚鳴鶚皆廩貢

耿孚泰字叶中舉人蚤喪母事繼母能委曲得其歡  
博平縣志

卷十一

孝友

五十一

心兄弟雍睦無間課諸姪讀書均能成立處家至  
公一錢尺帛不入私室人皆稱其難能卒年七十  
有三

烏應翼耆賓少孤母苦節撫育及長承順母教克自  
成立人無間言

李泰階字六符道光年歲貢事親至孝能友兄弟歷  
年設帳成就多人著有六符文存行世

韓 彬字文雅家貧課徒孝親友弟持躬惟謹又精  
韻學其父嘗著剔弊元音彬踵而成之



王維城字健齋恩貢生事親能先意承志於兄弟友愛甚篤課徒正襟辨論寒暑無少間自立功過冊排日默記以相印證居近邑僻而非公不至官吏咸推重焉

何九經字龍閣恩貢少貧嗜學以孝友稱訓徒孜孜不倦教子尤以義方兒孫均有在庠者

謝書林字道宗少失恃事伯父天成惟謹人皆稱其孝友讀書積學尤為時所推許平時急公好義凡有善舉無不應者邑令胡 題其門曰言坊行表

博平縣志

卷十上

孝友

五十二

子孫林立能嗣家聲

胡芸亭字雪齋邑庠生父方成早卒事母至孝與人慷慨無稍吝亦無所競尤精岐黃術所全活無算年八十四歲卒邑令李 以居德善俗表其閭子玉琅浙江縣丞孫慶温廩貢生教職慶恭拔貢直州判慶儉郡庠生人皆謂善人之報云

趙景超字仲起歲貢生母性嚴重曲意承歡母沒遂解館歸事父尤謹每談論古今以供色笑蓋隨父寢處者凡十餘年與兩弟始終怡怡兩弟亡視諸



姪如己出平生訓徒尤循循善誘嘗言為學之要  
首在存誠體則仁義用則忠孝著明明德論為學  
者正鵠焉

傅鴻誥歲貢生事親孝弟鴻湘早卒誨諸姪讀書視  
如己子諸姪析爨有讓無爭曰吾止一子少有足  
矣士林咸重之

韓 詰增生家貧清介嗜學彊記舌耕數十年以脩  
脯奉親而自奉儉嗇襤褐糟糠晏如也非分錙銖  
不取鄉里皆重其行

博平縣志

卷十上

孝友

五十三

郭嶺字翠冬邑庠生醅謹老成天性孝友事雙親終  
身不懈兄弟析爨有讓無爭鄉里賢之



忠義

張周南字西伯號萬封道光甲午科武舉丙申科武  
進士授廣西提標守備擢都司平徭緝匪所向有  
功署麥嶺營都司甫逾月檄調勦賊賊虜至以身  
殉事

聞卹贈如例有墓表見藝文

任過雲太學生居縣境擺渡口勵行剛方夙尚氣節  
咸豐十一年宋景詩之亂大府檄行團練過雲以  
本屯團長會博邑諸團民勇守運河東岸三月十

博平縣志

卷十上

忠義

五十四

九日賊猝至團勇多驚潰者過雲與姪寶璠斫殺  
數賊為賊鎗所中至死罵不絕口寶璠同時遇難  
賊縱火焚其居廬舍俱成灰燼聞者莫不傷感

侯雲裳邑庠生成豐十一年宋景詩股匪屢擾博境  
雲裳率鄉衆數百人禦之三月十九日賊渡河而  
東雲裳殺賊甚衆賊分股抄營後舉火鄉衆驚潰  
雲裳戰死其姪鸞亦同死事平祀昭忠祠廕一子  
以主簿用

侯中林邑庠生金階之子少有膂力咸豐十一年三



月河西土匪將及博平中林率衆禦之河上衆曰  
彼衆我寡不如走中林曰我退則彼必追不如堅  
守待援已而賊大至中林與族人侯青峰侯鵬力  
戰刃賊十餘人中林死之刃傷徧體青峰失右臂  
死鵬中鎗死

蕭振江蕭莊人咸豐十一年土匪至博平西界焚掠  
村舍振江與同里侯皆立迎賊而前皆立執鎗刃  
振江執鐵鎗殺賊數人力盡俱死於大樹下

司以昌同治元年宋景詩之亂禦賊於河西衆潰獨  
博平縣志

卷十上

忠義

五十五

以身殿弗克而死祀忠義祠

薛鳳藻廩生學問行誼為鄉里所推重同治七年四  
月捻匪自南來犯博平鳳藻督衆守圩與賊相拒  
圩破罵賊不屈暨文庠薛進階文童薛尚文李廷  
教李廷芷皆死之羅莊寨附生齊椿齡同時遇難  
徐立身邑增生明敏有智略同治七年四月捻逆猖  
獗立身率衆禦之力竭遇害文生徐文密徐培誠  
均及於難

韓九瑞聖府伴官同治七年四月守圩死難



桑葆桑莊人同治七年四月率團勇數百人戰於景莊葆及于光麗桑丕森于四竇志儉皆死之

許太清孫家橋人同治七年四月率眾禦賊於孫家橋賊大至遂挫敗太清與許維元賈志明孫文容孫太明高宗閔死之杜莊之陳福盛王家橋之王慶長皆遇難

張合璧字鏡傳廩生品行端方學問純粹同治七年髮捻北竄以父老日侍左右賊突至抗聲厲罵遂同時遇難事

博平縣志

卷十上

忠義

五十六

聞旌卹如例

王登保庠生萬清孫庠生紹子也重然諾為鄉里所欽同治七年捻匪竄郝家屯登保率眾脩寨賊至脅之降罵賊不屈遂遇害事

聞得卹廕一子入監讀書

王秉範性剛直疏於財同治元年宋景詩之亂民團拒於河西秉範殿後殺賊數人後賊虜至遂遇害與尸以歸鄉里莫不涕泣

王文華慷慨有志節宋景詩之亂禦賊於梭堤與族



人王永德皆遇難

博平縣志

卷十上

忠義

五十七



善行

李象恆字久也監生譚家莊人周濟窮乏無吝色歲  
歉嘗出資調恤保全尤多邑令胡表其廬曰善  
人至今猶稱李善人家

刁枚字功臣武生少秉庭訓慷慨明大義排難釋  
紛遠近推許生平豪爽輕財與人交無城府尤好  
獎掖人材於生徒之貧乏者弓馬衣食皆資之邑  
令胡表其門曰崇德尚義

許法智字樂菴推誠接物樂善好施鄉有王氏婦寡  
博平縣志 卷十中 善行 五十八

且貧索聘去室欲藉以養家將別母子泣甚哀觀  
者如堵公至問其故代償聘金復出粟錢助其家  
由此母子保全不失節義性尤嗜讀敬禮文學士  
一時共稱善人焉

司鳳喈庠生為人嚴重教子義方凡游其門者皆知  
勵志邑有善舉皆所樂為邑令胡獎以好義樂  
善匾額

周茂芹武生輕財好義力行不倦咸豐三年賊據高  
唐捐資助軍粟同治七年邑遭寇擾創議建立義



寨鄉里賴以無虞嘗設文武義學成就後進為多  
孫冠羣郡庠生好義樂施持躬端謹鄉里之貧乏者  
多所周恤

李士林字鴻儒者賓一生耿直而樂施與為里黨所  
欽服卒年八十三歲

趙桂芳字天香太學生家無資蓄而好濟人嘉慶十  
八年歲大歉族多飢餓因稱貸周恤之雖質產以  
償無憾也子四人皆入邑庠孫十一人元泰道光  
己酉選拔年逾耄耄繩繩繼起人皆以為善人之

博平縣志

卷十中

善行

五十九

報云

李泰來字景符一生好學家貧不輟子家瑞早歲食  
廩家楨蜚聲郡庠雖居城市每以入公門為恥砥  
節礪行鄉鄰重之

成毓秀字顯華居城西成莊樂善好施恤老賑貧品  
行端方鄰里欽重本村西北里許寺名隆福乾隆  
年間廊殿傾圮毓秀慷慨自任出已貲財獨修三  
殿殿宇下所建碑石至今猶存



文學

周 欽舉人有文行世膾炙人口

烏掄元字秀先乾隆乙酉拔貢天姿穎敏學問淵博授定陶教諭誘掖後進不遺餘力士人感頌有化雨均霑匾額以目疾謝歸在里鄙與父言慈與子言孝時望重之有子四人登賢書食饌廩皆公教也著有清遠堂文稿行世

于光泰字魯瞻博學多聞於諸子百家無不流覽著有類典集成二十卷

博平縣志

卷十中

文學

六十

劉鳳翽道光乙未科舉人學優守潔度越恆流著有夢星齋文集

王 溱恩貢生天姿穎異經籍淹通著有古槐書屋詩文集

傅鳳銜歲貢生品學俱優善誘後進博往二邑文學之士多出其門門下為之立教思碑

李如春歲貢生一時號為能文平生接物和霽持躬嚴潔士林重之

李天達字鵬飛庠生鄉飲大賓忠厚樸誠文學博洽



讀書至老不倦子姪輩皆有聲庠序

賈廷柱庠生好學自勵待人以誠子孫繼起能以讀書世其家

孫孝先字繩武增生學問沈博文以清真雅正為準友教四方多所成就

王法曾歲貢生蚤歲嗜學寢饋俱廢勤於課讀口講指畫老而忘倦及門者深得其教益

王華廷字繡齋恩貢生醇謹老成學問賅洽負一時明經之望訓迪後學耄而益篤接人以禮藹如也

博平縣志

卷十中

文學 六十一

楊廷桓字公瑞舉人才敏學優有文壇飛將之目少貧老益淡泊自喜有古人風

謝其輝字光庭乾隆丙子科舉人萊陽教諭天性情篤學有本原門下多知名士

許芹芳字泮生廩生候選訓導天姿明敏胸懷磊落幼好學試輒冠軍邑侯胡叔琳將慶第陳昆蘭等均器重之設帳鄉里成就後學甚衆卒後門人立碑誌其墓

薛樹棠

字憩南壬戌舉人穎敏有大志五應會試三薦不售著有家庭塾課徒草蘭言詩待梓



竇榮組字冠藻恩貢生例選教諭晚自號故人其曾祖世琰以優貢知餘干縣事有政聲祖濬由歲貢生中乾隆庚午鄉副授招遠縣訓導手著四書五經句解等書學問淵懿為世所宗父桂馥乾隆乙酉舉賢書庚子登甲科用知縣筮仕晉中恪承先志著有四書精義梓行於世冠藻公守先啟後於經史子集靡不淹貫且礪名砥行聞達無求時出所得以誘掖後進子奎垣由歲貢膺大賓孫曾蔚起人以為公之貽謀云

博平縣志

卷十中

文學 六十二

桑芹

字秀魯歲貢生鄉飲大賓端方厚重樂善好施學問淵懿文章絕倫每年設帳於家善誘後進寒士在門解衣推食游庠食餼選拔鄉舉之士多出其門卒後門人立碑誌其墓

任鵬展

字海岳性資明敏經史淹通善詩文領鄉薦後大挑二等初署萊陽縣訓導授觀城縣教諭致仕歸家後學輩多所成就

趙萬春

字備堂戊辰恩貢性穎悟為文理法清真一宗先民矩矱後司鐸武城與諸生講論以倫常名節為重士林翕然

何汝蘭

字素軒恩貢生天姿明敏學問賅洽啓迪後學毫而忘倦門下士游庠食廩登賢書者不一人



老壽

張棟 乾隆戊申歲貢福山訓導

李金階 監生從九品職

馮振

夏宏緒

李邠 監生子鏡藻歲貢訓導

于培業

以上皆年臻耄耋五世同堂

博平縣志

卷十中

老壽 六十三

李舉字選仲太學生端方正直和睦鄉鄰樂善好施  
一方欽重子六德入武庠治家有道克紹父風孝  
友足式五世同堂

張含慶字有美文庠生忠厚端方人咸欽重五世同  
堂

何立安字泰階鄉耆忠厚仁讓樂善好施四鄉咸稱  
為善人焉孫存仁和睦鄉鄰排難解紛五世同堂  
里鄙倚重



附編

烏應斗字仙槎附貢生故紳竹芳子竹芳歷福建丞  
牧調任澎湖應斗偕眷屬由廈門東渡遇風桅折  
飄泊六十餘日若有神物護持之者歷海外諸國  
得資送歸著暹羅志

烏應昌字文垣北河縣丞署阜城吳橋知縣所至有  
政聲

傅吉先字慶如福建興化府經歷權仙游令創建育  
嬰堂全活幼孩甚眾沒之日宦橐蕭然有廉惠聲

博平縣志

卷十中

附編 六十四

李叶庚字少白郡增生急公好義解紛息爭里黨推  
重

謝龍文武生睦鄉鄰息爭訟除一方積匪鄉里以安  
子庠生錫齡業岐黃活人甚眾

李華堂字玉階監生少失怙老成醇謹善息爭端年  
八旬卒戚里咸稱道之

孫榮先字耀祖邑庠生每勸人以忍族黨中遂少爭  
訟者教子弟讀書入庠食餼者數人

成景山字鎮商端方厚重教誡森嚴鄰里咸欽重之  
吳廷梓年高德邵急公好義咸稱道之



張懷鳳字桐岡邑庠生素絨默偶發一言則眾論咸  
建邑令李 獎以訓俗型方扁額

張九韶字伯成者賓行誼敦篤鄉論翕然

王思貢字仰賜年高德邵時望重之

張雲階字虹梯六品職員排難釋紛里鄙倚重

張雲祥字集千丁卯科武舉端謹自守足式里閭

李逢和字融菴邑庠生謹飭和平尤善排解年七旬

卒鄉里無間言

田書田邑庠生郎維新門下士也家貧苦讀維新飲

博平縣志

卷十中

附編 六十五

食教誨迄於成立師沒心喪廬墓人咸謂其師弟  
之俱賢

李蘭根字本固太學生端方和厚簡默寡言尤珍重  
詩書敬禮文學士鄰里重之

初 瑞字金符者賓溫厚和平樂善不倦咸欽重之  
牛善均太學生性和平不與人聚訟公門不事干謁  
士林重之

張大章

字漢倬者賓性醇厚子奇峰太學生天性孝  
友品行端方鄉論翕然

初秉樸

字素菴茹方和平排難解紛遠近族鄰莫不  
欽重



列女

貞烈

谷氏其夫高姓年十七歲于歸方十月夫沒其母願令改適氏矢志不從痛哭不食遂自經死事在雍正十一年見書堂偶記

王氏邑庠生李勳臣聘妻未及娶捻匪犯博境氏投井死其妯娌羅氏為李廷妻張氏為李廷正妻皆能茹苦守正盡心孝養論者謂一門三節

時氏時凌霄女同治七年五月捻匪張總愚寇博平

博平縣志

卷十下 列女貞烈 六十六

賊欲掠女去不屈投井死

馬氏馬守固姝年二十二歲姑以心疾外出氏追隨至牛莊日已暮奸人迺至其家欲強污之氏不從遂殺之棄尸於野知縣胡學醞得其狀寘奸人於法為立烈婦祠於南街

王氏趙君起妻同治七年匪眾入莊罵賊遇難



節孝

段氏鄧良妻明萬厯年間葬於宋莊僅一土嶺大風塵壅不能及墓大水亦不能越墓堅貞苦節可感神明有碑記可考

秦氏王學田妻年二十一歲夫沒家極貧子僅月餘氏哀慟欲絕翁姑勸曰家之所賴以不絕者汝子子之所賴以生者惟汝豈可輕生耶乃止氏夙夜紡績善事翁姑子長使讀書年至九十三歲邑令蔣表其門曰彤管揚休

博平縣志

卷十下

節孝六十七

溫氏侯崇章妻夫早亡無子女姑亦孀居孝養備至姑患癰展轉床褥氏晝夜謹侍過於平時

楊氏高繼周妻二十四歲夫亡長子鳳嶺三歲次子鶴嶺在襁褓事親撫孤矢志靡他後二子入武庠孫鴻恩鴻信俱游泮天道報施固不爽也守節五十六年卒年八十歲

趙氏汎兵刁遇春妻于歸三載生子方幼遇春從軍出征數年病沒時氏年二十一歲事親撫孤既而翁姑俱沒值歲歉以糠粃雜豆葉而食艱苦萬狀



從不乞貸於人訓子裕齋卓然成立鄉里重之

孔氏刁其嫗妻年二十四歲夫沒僅遺弱女孝事翁姑每值農忙輒力作以代親鄉鄰咸憫之泣曰吾翁以無子而繼子子死而婦職不共二老之心益苦矣力作猶昔苦節待旌

王氏王永富妻十七于歸二十五歲夫故子慶元在襁褓氏矢與同死勺漿不入口者三日翁姑諭以撫孤大義始進飲食事翁姑以孝稱

袁氏于光煦妻十七于歸次年夫沒無子祖母耿氏

年逾七旬翁姑俱存氏上侍重闈晨昏無間撫胞弟之子錫疇如己出迨祖姑與翁病沒事孀姑李氏愈謹弟不務正業家產殆盡氏並養其眷屬邑令金表其門曰一門雙節

史氏平陰人因水患隨父母流徙博邑與趙汝仁子萬才訂姻時女方十餘歲旋歸故里未娶而萬才卒女聞之痛哭矢志守貞家人因其齒穉勸之他字女操刀將自殺父母不得已聽其歸於趙家貧親老勤紡織以孝養聞翁姑沒哀毀盡禮撫近友



族子以延宗嗣姑冰飲檠者凡數十年得旌如  
例

張氏滕得光繼妻年十九于歸前室遺子振江尚幼  
夫故事親撫孤為振江娶婦既而姑沒振江又亡  
姑婦孀守有孫三人由縣詳請雙節扁額

李氏張全美妻十九歲于歸二十六歲夫故事翁姑  
至孝後姑沒嗣子萬秋又殉翁年九十五歲氏與  
萬秋婦何氏侍奉惟謹

董氏浙江嘉善縣丞胡玉琅妻沈靜寡言事翁姑孝  
博平縣志

卷十下

節孝六十九

夫兼祧姑張氏袁氏多病膳必親進藥必先嘗晝  
夜不離左右如是者數年兩姑繼沒哀毀盡禮從  
姑袁氏少寡無依事之惟謹會疫氣傳染氏不少  
避因亦染疫而沒戚黨咸稱道之

吳氏陳鳳翔妻嘉慶六年二月于歸夫即於是日沒  
時氏年十七歲矢志守節卒年九十二歲

李氏趙景尚妻年二十夫亡姑不仁偪令他適至絕  
其飲食氏矢志不移孝敬如故其堅苦有令人難  
堪者已得旌表



劉氏李延緒妻性聰慧喜讀班昭女史及內則諸書年二十五歲夫卒無子事姑至孝其姑耿氏亦早孀冰蘖共勵鄉里稱之中丞給以節並松筠扁額李氏張周南遙室也喜談兵書有烈丈夫風周南沒於敵即率壯丁冒鋒刃尋忠軀瀕於危者屢矣越三日得屍歸鬻棺具斂直趨東省計程六千餘里中途始與夫弟化南子春圻遇同行歸里里人閱其志而壯其能至其持家井然勤儉慈愛猶餘事爾學使汪 疏 聞旌以扁額

博平縣志

卷十下

節孝七十

任氏張春田妻十八歲于歸二十二歲夫故氏三日不食將以身殉其翁以子幼無依勸之乃止事親以孝教養子姪俱有成就 旌表如例

李氏文生劉荃妻十七歲于歸生子一女三夫沒晝夜哭不絕聲姑曰親老子幼賴汝以生徒哭何為氏竭力盡孝撫孤成立娶婦劉氏生子三均以孝聞凡守節六十年至八十六歲卒

張氏李掄元妻十七歲于歸夫沒無子上有翁姑常自飲泣克盡孝養有嫂病亡撫其次子為嗣艱苦



自厲 旌表如例

周氏范紹倫妻十九歲于歸夫沒堅守苦節三十餘年事翁姑以孝聞

烏氏袁繼張妻者賓烏梅芳女十八歲于歸二十四歲夫故姑老子幼涕泣絕粒誓以身殉姑曰汝命不保襁褓誰恃吾死不瞑目矣氏遂勉順親心備極孝養姑沒居室傾圮不能自存攜子依母家以居守節六十餘年

烏氏五里堠傅紹竹妻二十五歲夫故子鳳翽方六

博平縣志

卷十下

節孝 七十一

齡家極貧矢志愈堅子亡婦去撫孫瑞先成立迨孫亡孫婦亦亡遺一曾孫又勤拊育以一人而保全三世蓋五十餘年中艱苦備至矣

竇氏李廷芳妻二十歲于歸越二歲夫故有遺腹人勸改適泣曰生為李氏人死為李氏鬼吾不能事二天也後生男教之有方得以成立

趙氏梁鵬南妻姑雙瞽事姑至孝待妯娌以和年臻大耋鄉鄰稱之 旌其門曰金石堅貞

王氏孟傳啟妻于歸後家貧無資紡織度日年二十



六歲夫故為人傭工養育幼子堅耐勞苦凡四十年至七十二歲卒

王氏郡庠生謝龍閣妻年二十六歲夫亡家貧苦節撫孤得旌如例年九十三歲卒其三子延齡於咸豐十年遇賊死難

史氏邑庠生謝印妻年二十四歲于歸二十九歲夫沒遺孤既亡嗣子又逝零丁孤苦兄弟是依年久不渝克全苦節

吳氏武舉謝履芳妻十七歲于歸二十九歲夫沒子博平縣志 卷十下 節孝 七十二 幼事姑亦孝聞

席氏謝丹成妻二十七歲夫沒有子周歲又期年而沒孤苦無依人勸改適輒哭泣累日矢志不渝守節垂四十年

于氏監生謝有慶妻十九歲于歸三十夫故事親以孝苦節終身

張氏胡景成繼妻早歲于歸事親賢孝夫沒撫孤持家艱苦備至子蘭亭廩生其弟婦張氏苦節亦相同子芸亭亦入邑庠邑令楊以節孝可風表其



門

謝氏胡華亭妻華亭沒苦節矢志視猶子玉琅如已  
出與娣姒尤相愛敬弟婦袁氏胡崧亭妻青年守  
節境尤艱苦一門雙節為時所稱學使鄭敦謹旌  
其門

范氏邢維新妻夫故家貧饔飧不給勤紡織奉翁姑  
備嘗艱苦守節五十餘年

黃氏文童王克楨妻苦節四十餘年得旌如例

賈氏謝玉案妻夫沒子甫二齡事姑曲意承歡姑疾

博平縣志

卷十下

節孝 七十三

病焚香禱願以身代苦節垂六十年邑令表其  
門曰勁節可風

馬氏監生于丕承妻十七歲于歸二十三歲夫沒鄉  
里稱孝矢志不渝

張氏杜士英妻夫沒養親撫孤清苦自勵其長子長  
明娶張氏次子長和娶竇氏皆不永年姑婦三人  
紡織苦度邑令蔣以一門三節表其門

劉氏庠生烏炳南繼妻夫沒子三齡立志撫孤子又  
殤以姪承嗣恩勤鞠育艱苦弗渝助姪孫曾孫輩



讀書俱游庠

劉氏庠生烏松芳妻夫沒誓以身殉姑謂氏曰爾死  
吾恃何人氏感姑意盡孝養撫幼孤教諭孫以  
扁額表其廬

烏氏處士李仕田妻于歸未及三年夫染疾彌留謂  
氏曰吾不能瞑目者遺腹耳後果生子氏上事翁  
姑克盡孝道姑卧病數年飲食寒溫氏皆默體其  
意撫子成人迨翁姑俱逝而子亦亡所遇苦矣子  
婦梁氏守節數年亦亡邑令金表其門曰兩世

博平縣志

卷十下

節孝

七十四

堅貞

趙氏劉慎修妻十七歲于歸夫故痛哭失明誓與俱  
死翁姑戚黨勸以撫孤為重氏遂上勤孝養下勤  
鞠育延師讀書為娶謝氏未數年而子又亡謝氏  
矢志奉母苦勵冰霜人謂一門雙節

孫氏李蔚文妻年二十而寡弱女在襁褓氏欲以身  
殉其母曉之曰爾死如翁姑何遂以紡織養親姑  
沒殯葬如禮後翁娶繼室生幼弟氏盡孝盡慈嚮  
釵珥以供弟讀至於成立族鄰賢之



譚氏李文田妻也自二十歲于歸二十七歲夫歿守志四十年零丁孤苦節勵冰霜邑候李給玉潔冰清匾額

劉氏初維章之妻夫早亡堅貞自守撫孤成立鄉里重之

蕭氏初秀章之妻夫歿氏年二十七矢志節守晝夜紡績孝以事姑常得歡心身無所出以夫弟長子為嗣冰清玉潔四十餘年李公旌其門曰松筠勁節李氏桑永慶之妻夫亡節守勤儉持家撫孤成立課

博平縣志

卷十下

節孝

七十五

讀教耕遠近族黨莫不稱羨

孫仰星妻石氏于歸二載夫故氏年十九歲哭踊幾絕翁姑勸曰勿過哀爾有弟後果完娶生子為爾夫延嗣所全不更大耶氏堅貞節守矢志靡他踰年弟又亡氏孝事翁姑得其歡心足不履閫外言語不妄發幸天道福善翁姑垂老獲嬰迨弟仰崧成立生二子崧又弱冠病故氏以夫弟長子為嗣今年五十歲孝姑慈幼冰雪持躬勤儉理家鄉黨鄰里咸欽重之教諭高旌其節孝



劉氏王蓮妻年二十九歲夫故無子孝事翁姑矢志  
堅貞夫弟芝娶婦謝氏生一子芝又故妯娌同守  
苦節翁沒殯葬如禮事姑愈謹迨夫弟子成立娶  
牛氏生一孫四歲失恃氏與弟婦撫孫成立延師  
就讀早歲游庠卒年八十四歲邑令李表其門  
曰瑤池冰雪

張氏李宗禹妻年二十四歲夫沒子女俱不育覺  
子立能孝其姑有屋數椽不蔽風雨薄田二畝難  
於餬口惟恃氏紡織度日姑思子成癩疾起居飲

食皆氏扶持調護姑卒氏殯葬如禮慟冽冰霜不  
為境易守苦節四十餘年

張氏朱登雲妻十七歲于歸越二載登雲卒婦事舅  
姑致敬盡孝備歷艱苦撫子成立孫桂枝癸酉科  
武舉

田氏武生王魁選妻夫故遺二女事翁姑執婦道惟  
謹值捻匪之亂隨翁姑避寇羅莊賊大至氏投井  
遇救得生尋覓翁姑得免離散後以夫弟子應選  
為嗣



宿氏文生烏芹芳繼妻于歸時翁姑已逝雖薄物必  
薦撫前室子應垣如己出後生子應台南五月而  
芹芳卒時氏年二十七歲也苦節堅貞教子成立  
迨長子應垣卒其婦張氏年二十九歲能孝其姑  
鄉里稱之曰一門雙節

胡氏趙莊李文虎妻文虎家貧謀生於涿州氏涿人  
也生子三人文虎死於涿氏含辛茹苦攜諸孤以  
歸薄田不足餬口乃晝夜紡織教子長成歷四年  
長子十五齡氏復率以北行負文虎骸骨歸葬於

博邑令胡表其門

路氏楊兆鷗妻堅貞自矢孝慈兼盡邑令表其門曰  
志矢柏舟

王氏于其杰妻孝養翁姑矢志自守邑令表其門曰  
苦節永貞

石氏吳廷倫妻十九歲于歸二十五歲夫沒侍養翁  
姑朝夕無間桑麻課子紡織治家戚黨稱其賢孝  
李氏陶自直妻二十一歲夫沒無子善事其姑紡織  
勤苦撫育猶子視如己出



孫氏張思和妻年十九于歸事翁姑惟謹二十八歲夫沒姑卧病七年氏晝夜侍奉不離左右姑沒翁益衰氏備極孝養子雲隆二十六歲卒其婦之善事孀姑克嗣徽音一門雙節鄉里稱之已 旌表

胡氏婁克哲妻年二十七歲夫沒無子家貧姑年八十八歲老而病卧榻數年侍奉周至得 旌

趙氏李學唐妻十九歲于歸甫三旬而夫病卒以堂姪萬福為嗣不數年弟亦卒無子偕弟婦 氏守志勸翁置造生子學點年六十四卒 旌表如例

博平縣志

卷十下

節孝

七十八

趙氏監生張鳴慶妻十七歲于歸二十七歲夫故子幼撫育長成娶婦王氏不數年子又卒善事翁姑苦節三十餘年儒學高 旌其門

王氏劉明仁妻年二十六歲夫故親老女幼孝養兼至招義子中魁不能守業含辛茹苦節勵冰霜壽七十四歲而歿

程氏任立德妻氏南方人也身無所出夫故南方招一義子携夫骨骸歸葬於博鄉鄰重之壽六十九歲而卒



邱氏成安宅妻夫故事親以孝撫子成立苦節堅貞三十餘年

牛氏袁繼瑜妻十七歲于歸二十七歲夫故家貧專務蠶織撫育子女備歷艱辛女誠恭嚴鄰里婦女皆敬畏之尤鄭重詩書雖斷簡殘編必什襲珍藏遇字紙必拾起污者濯之若成癖焉壽近八旬猶織紡不輟

李氏孫立本妻夫早沒孝姑慈幼勤儉持家里黨咸重之

博平縣志 卷十下 節孝 七十九

劉氏潘光觀妻十七歲于歸逾年夫故孝事翁姑矢志堅貞身無所出以夫弟子為嗣

孟氏李瑜妻夫亡子幼氏矢志靡他撫孤成立儒學高表其門

蘇氏初興元妻夫故撫幼子勤紡織玉潔冰清三十餘年

烏氏李文煥妻年二十三歲夫沒子女俱幼矢志堅貞貧苦度日事翁姑朝夕不懈教子有義方訓女守闈範鄉鄰咸重之娶婦生孫一三歲失恃孫娶



婦生曾孫一亦三歲失恃皆賴氏撫育之三世孤  
兒一身維護苦節五十餘年年七十五歲卒

趙氏刁沂妻年十九于歸越歲夫故撫幼子文安  
讀書入邑庠未幾翁姑與子相繼沒家道愈苦又  
撫孫成立鄉里賢之

凌氏盧學曾妻二十九歲夫故孝事翁姑撫育幼子  
勤紡績謹言笑四十年間貞潔自守鄉鄰皆稱其  
苦節

高氏劉天桂妻孝事翁姑撫育幼子守節四十餘年  
博平縣志

卷十下

節孝

八十

邑令李表其門

梁氏趙又新妻夫故家貧傭工以養翁姑撫孤成立  
守志四十餘年儒學高表其門

周氏拔貢胡慶恭妻十六歲于歸夫病日侍湯藥積  
勞成痲幾瀕於危夫卒氏年二十四歲矢志堅貞  
義方訓子鄉里賢之

楊氏趙瑞雲妻于歸後奉孀姑曲意承歡夫亡守志  
三十餘年儒學高表其門

梁氏曹連科妻于歸歲餘夫故無子以猶子嗣性和



順勤儉事翁姑先意承奉深得庭幃心翁棄養後  
姑老且病梁寢處與共以紡績佐菽水姑賴以終  
又善於處家庭娣姒間有小嫌隙得氏一二言輒  
意解於是一門雍睦無相爭者既而子婦亡撫育  
諸孫能勤耕讀一時鄉里皆稱其賢得旌如例  
邢商氏城西北邢莊邢維祺妻十五歲于歸二十一  
歲夫故事親以孝撫孤成立苦節堅貞孫曾蔚起  
年登耄耋五世同堂邑令李儒學高表其門  
傅氏鄉耆烏應翼妻有孝行盡婦道姑疾病焚香祝天

願以身代女弟于歸者勸夫讓以田產族黨貧乏  
者與夫時周給之鄉里稱其賢孝邑令表其門曰  
詒謀永貞子孫能守耕讀氏與夫俱八十餘歲終  
劉氏陳清遠妻十七歲于歸孝事翁姑惟謹姑沒翁  
繼娶趙氏未十年翁與繼姑俱沒所遺三子一女  
賴氏撫育有過尋常里人稱其賢孝

王氏監生桑彭齡妻姑病癱瘓轉側需人氏晨夕侍  
奉不離左右者十餘年邑令表其門

姜氏李書英妻性賢孝能承親志敬兄嫂睦諸姑上



下雍睦人無間言其娣張氏為李書銘妻亦有孝行邑令表其門

李氏楊廷楠妻十八歲于歸二十一歲夫没子素秋年尚穉上無翁姑可依母子茕茕形影相弔勤於菽藿早歲得衿鄉里咸稱其苦節已 旌表

于氏謝文輝妻青年夫没生一子玉莪弱冠又亡撫孫蘭成迄於成立苦節可風儒學表其門

周氏王鳳翔妻夫故家貧賴紡織以奉親教子鄉里稱之教諭樂 表其門

博平縣志

卷十下

節孝

八十二

李氏廩貢生候選通判烏夢麟妻二十九歲夫故苦節孝養得 旌如例

傅氏郡庠生烏應輔妻十九歲于歸二十五歲夫没苦節五十年已 旌表

沈氏傅鴻範妻年二十夫没艱苦自持孝養彌篤守節五十餘年卒年七十四歲

唐氏李樹勳妻二十歲于歸越歲夫故矢志靡他孝事翁姑艱苦備至邑令表其門

陳氏李世昌妻于歸二載夫没氏年十九能執婦道



善事翁姑苦節四十餘年里黨稱之

李氏初秀先妻嫻於閨訓善事舅姑夫亡半載而舅姑亦亡氏年二十八歲守節三十餘年已 旌表

夏氏胡廷傑妻于歸數載遽失所天子女俱無嗣子又折盡孝完貞人言無間邑令表其門

劉氏周清池妻夫早亡無子女家貧紡織以奉翁姑始終無渝

張氏郡庠生孫冠羣妻夫故孝事其姑得 旌如例

烏氏監生劉以恕妻夫早亡茹苦含辛教子有法

博平縣志

卷十下

節孝

八十三

岳氏李芳春妻夫故家貧紡織度日撫孤成立苦節三十餘年

李氏文童岳連璧妻守節五十年已 旌表

王氏李鴻範妻守節五十六年已 旌表

李氏于建原妻邑令表其門曰節著松筠已 旌表

于氏楊茂修妻守節五十年已 旌表

劉氏吳有義妻夫故勤儉理家撫孤成立已 旌表

傅氏居城東北烏莊烏芝芳妻青年夫歿矢志堅貞撫孤成立教誡綦嚴遠近族黨莫不欽重



潘氏初雲錦妻瑞亭之祖母也年二十一歲夫歿子連元生十八日念在撫孤矢志靡他苦節自貞克盡孝道事翁姑皆得其歡心鄉里咸欽重之儒學旌其門曰節孝可風

梁氏張顯祖妻太學生雲連之曾祖母也年二十一歲夫歿事翁姑以孝稱人有勸其改嫁者婦曰吾適張門吾為張婦容再易姓耶誓死靡他守節五十餘年有拍舟矢志之風

馬氏張克明妻也同治七年捻匪犯博境夫被執遇害有遺腹誓死靡他苦節自守今婦六十四歲矣子鳳林亦成立節孝兩全鄉里咸稱焉

王氏張可貞之妻善事翁姑色養兼至夫歿之後撫幼孤守大義冰清玉潔里黨咸稱之儒學高 給匾額曰節勁松筠

張氏孫方中妻家貧孝事翁姑終身不懈撫育繼子如己出鄉里稱其孝慈兼盡



劉氏謝家聲妻邑庠增生子衡之嫂也年二十三歲而夫歿時當家產彫零日用匱乏人有勸其他適者婦曰女不再醮禮也吾苟去室上難給翁姑飲食下難使夫弟讀書心何忍乎婦遂心同金石節勵冰霜事雙親撫幼姪苦節能貞鄰里稱女中魁元馬邑令李 給匾額曰松筠勁節

李氏楊萬選妻年二十七歲夫歿善事翁姑極能承志素明節義矢死靡他孤寡數十年鄉鄰咸稱譽馬儒學宋 給輝映彤管匾額

博平縣志

卷十下

節孝

八十五

楊氏岳修聖之妻年二十九歲夫歿事翁姑以孝稱生一子龍波念切撫孤冀其成立備嘗辛苦矢志靡他節孝兩全人咸稱揚焉

楊氏李鴻賓之妻年二十二歲夫歿孝事翁姑苦節自守親疏遠近無間言

荆氏岳連敬之妻年十九歲而夫歿大義素明心同日月苦節自守志勵冰霜鄉里咸推焉

謝氏郭瞻雲妻夫早歿孝事翁姑撫孤成立苦節堅貞四十餘年已 旌表



張氏竇興奎妻 耿氏于 涓妻 王氏梁際清妻

呂氏于步雲妻 姜氏劉得祿妻 張氏張慶年妻

劉氏馬全孝妻 耿氏姜鶴年妻 丁氏王 荷妻

魏氏王 槐妻 張氏王登祜妻 李氏王登俊妻

劉氏張夢齡妻 袁氏張夢修妻 賈氏何生劉鳳占妻

姚氏朱蘭玉妻 梁氏崔長祥妻 劉氏王傳玉妻

劉氏倫秉強妻 王氏李世傑妻 姜氏劉 江妻

苗氏蔡傳家妻 齊氏陳履祥妻 岳氏白振芳妻

劉氏國榮元妻 婁氏王觀蓉妻 韓氏朱薰芳妻

博平縣志 卷十下 節孝 八十六

馮氏陳法禹妻 刁氏賈鳳鳴妻 李氏孫慶春妻

劉氏賈元成繼妻 王氏齊廷輝妻 趙氏彭 浩妻

趙氏蕭雲亭妻 崔氏孫廷弼妻 蕭氏儒童任立達妻

韓氏孫元善妻 張氏文童徐芳亭妻 張氏竇 杰妻

李氏竇奎照妻 賈氏文童袁敏妻 孫氏文童袁上等妻

李氏齊更新妻 竇氏陳榮盛妻 韓氏孫廷蘭妻

謝氏馮德恭妻 劉氏李延緒妻 姜氏袁大法妻

劉氏李金湯妻 戴氏張和慶妻 竇氏張鵬翀妻

徐氏郎瑤林妻 張氏楊 傑妻 郎氏武生馮治平妻



楊氏盧德昭妻 孫氏張月德妻 劉氏文司以純妻

桑氏文許詹岐妻 謝氏司西伯妻 馬氏文何方城妻

孫氏許鑣之妻 楊氏何凌雲妻 郭氏文何步雲妻

竇氏楊兆鳳妻 王氏文許澤岐妻 宋氏于錫良妻

李氏桑蘭春妻 初氏于光遠妻 初氏文許文廣妻

何氏馮光大妻 譚氏桑玉南妻 劉氏文桑鳳儀妻

袁氏楊廷達妻 劉氏李貞元妻 孫氏文楊天鵬妻

王氏孫叶清妻 袁氏牛連之妻 畢氏楊廷樞妻

謝氏馬掄元妻 趙氏楊廷澤妻 盧氏尹光宗妻

博平縣志 卷十下 節孝 八十七

李氏崔連舉妻 李氏米兆崙妻 初氏馬承恩妻

尹氏孫延桂妻 李氏盧東臣妻 馬氏何金鐸妻

何氏謝蘭辛妻 楊氏周克敬妻 盧氏孫延才妻

李氏池大岳妻 于氏李志明妻 喬氏房珩妻

劉氏王廷桂妻 周氏趙勳臣妻 馮氏孫明遠妻

尚氏文苗立春妻 袁氏桑旺資妻 張氏李殿華妻

李氏劉清春妻 馬氏增李慶春妻 賈氏武苗慶林妻

張氏國捷元妻 傅氏文夏允彝妻 張氏張志魁妻

王氏文耿書仁妻 馮氏楊秉奎妻 逸氏國良平妻



王氏齋 合妻 劉氏國秋元妻 曹氏朱長安妻

孫氏劉 珍妻 高氏趙國均妻 傅氏李鳳嵐妻

袁氏王興唐妻 賈氏苗志興妻 岳氏黃 琳妻

任氏張攀元妻 李氏劉 興妻 張氏李微華妻

劉氏薛宗皋妻 馮氏桑玉良妻 張氏傅秉恒妻

趙氏成書林妻 王氏謝連甲妻 韓氏劉敬普妻

馮氏楊秉奎妻 尹氏李學商妻 羅氏成舜化妻

董氏王登公妻 李氏張俊慶妻 趙氏孫思恪妻

袁氏王興霖妻 高氏邢維元妻 劉氏王士英妻

博平縣志

卷十下

節孝

八十八

馮氏李夫梅妻 李氏趙振岳妻 劉氏謝華雲妻

溫氏王慎忠妻 謝氏秦鴻陸妻 趙氏陶子固妻

崔氏王維楨妻 裴氏謝慎中妻 崔氏朱敬文妻

王氏周思文妻 李氏劉文煥妻 李氏馬英年妻

張氏朱克敏妻 桑氏文生楊素秋妻 毛氏馬光泰妻

賈氏楊殿選妻 張氏周茂蘭妻 高氏朱秉忠妻

時氏田永昌妻 王氏翟希程妻 朱氏李成思妻

于氏郭法顏妻 劉氏時鳳山妻 王氏孫宗先妻

薛氏孫文禮妻 高氏王德行妻 劉氏孫思義妻



郭氏張運昌妻 張氏韓振魁妻 邢氏李永成妻

劉氏謝穆之妻 韓氏張建輪妻 王氏張志信妻

張氏薛宗徽妻 高氏孫繩先妻 李氏楊廷珍妻

宋氏段思有妻 朱氏謝培之妻 趙氏任守連妻

樂氏趙永春妻 初氏孫國幹妻 梁氏張存安妻

蘓氏王興瑞妻 鄭氏劉得名妻 劉氏商茂春妻

梁氏王維墀妻 張氏薛隨雲妻 李氏謝本固妻

于氏曹連仲妻 謝氏何彬妻 鄭氏劉鑄妻

張氏李祿喜妻 馬氏李慶春妻 丁氏張廷相妻

博平縣志 卷十下 節孝 八十九

殷氏劉緒廣妻 李氏謝吉坤妻 李氏任廷祿妻

王氏李有容妻 張氏劉以忠妻 張氏劉汝松妻

李氏趙和春妻 吉氏李廷玉妻 李氏蕭連茹妻

楊氏齊占祥妻 范氏候大興妻 劉氏張茂萱妻

胡氏袁世剛妻 孟氏謝樂之妻 薛氏張雲隆妻

賈氏范振淮妻 謝氏賈長泰妻 李氏尹光太妻

傅氏孫鴻勳妻 王氏耿洽祥妻 荆氏岳連敬妻

張氏成克禮妻 劉氏張清哲妻 司氏趙金亭妻

李氏王燭妻 劉氏袁東山妻 許氏賈鴻膏妻



孟氏范中孝妻	趙氏張宗本妻	胡氏孔繼宗妻
劉氏王美廷妻	邢氏崔鳳翔妻	田氏張維明妻
郝氏朱清澄妻	高氏張玉明妻	侯氏張尚仁妻
李氏竇柱妻	陳氏桑鶴晉妻	高氏桑鶴立妻
王氏張蘊輝妻	劉氏夏鳳春妻	張氏劉鶴年妻
馬氏張安巽妻	荆氏楊松慶妻	李氏張玉桓妻
王氏郎澤林妻	楊氏馮綉雲妻	楊氏米兆富妻
商氏周秉公妻	王氏楊存玉妻	王氏周興岐妻
薛氏成辛榮妻	孫氏景攀月妻	孟氏李光咸妻
呂氏任廷錫妻	韓氏谷安懷妻	張氏任寶璠妻
韓氏婁維禮妻	盧氏赫振河妻	謝氏任守傳妻
謝氏張樂德妻	孫氏周秀春妻	林氏赫香林妻
劉氏張崙之妻	張氏婁維爵妻	沈氏張守己妻
程氏解學之妻	張氏張宣慶妻	張氏趙象賢妻
荆氏楊煥勳妻	竇氏張書業妻	汪氏烏茂馨妻
郎氏馮桂之妻	趙氏解懿德妻	趙氏劉鳳翽妻
桑氏 <small>序</small> 劉以志妻	郎氏 <small>文</small> 張作棟妻	朱氏宋青龍妻
梁氏李東岱妻	徐氏郎瓊林妻	趙氏楊代明妻



岳氏劉曰健妻 馮氏王學思妻 劉氏司佑衡妻  
秦氏趙景春妻

博平縣志

卷十一

節孝

九十一

